

41
1
30

諸字板史記

九十二



呂后本紀第九

索隱曰呂太后本以女主臨朝自孝惠崩後立少帝而始稱制正合附惠紀而論之不然或別為呂后本紀豈得全沒孝惠而獨稱呂后本紀合依

班氏分為二紀焉

呂太后者徐廣曰呂后父呂公漢元年為臨泗侯四年卒高后元年追謚曰呂

宣高祖微時妃也漢書音義曰諱雉○生孝

惠帝漢書音義女魯元太后及高祖為漢王

得定陶戚姬如淳曰姬音怡衆妾之總稱也漢官曰姬妾數百蘇林曰清河

重份曰言微時復言妃者古此字妻之通稱



國有妃里而題門作姬璜曰漢秩祿令及茂
陵書姬內官也秩比二千石位次婕妤下在
七子八子之上○索隱曰如淳音怡非也茂
陵書云姬是內官是矣然官號及婦人通稱
姬者姬周之姓所以左傳稱伯姬叔姬以言
天子之宗女貴於他姓故遂以姬為婦人美
號故詩曰雖有姬愛莘生趙隱王如意孝惠
姜不奔顛梓是也
為入仁弱高祖以為不類我常欲廢太子立
戚姬子如意如意類我戚姬幸常從上之關
東日夜啼泣欲立其子代太子呂后年長常
留守希見上益疏如意立為趙王後幾代太

子者數矣索隱曰幾音其紀反又音祈賴大臣爭之及留
侯策索隱曰謂張良叔孫通等令太子得母太子得母
廢呂后為人剛毅佐高祖定天下所誅大臣
多呂后力呂后兄二人皆為將長兄周呂侯
徐廣曰名澤高祖八年卒死事封其子呂台
為酈侯徐廣曰酈一作酈○索隱曰子產為子產為
交侯徐廣曰台弟也次兄呂釋之為建成侯徐廣曰
年卒謚高祖十二年四月甲辰崩長樂宮太
康王

子襲彌為帝是時高祖八子長男肥孝惠兄也繼也異母索隱曰母曰曹姬肥為齊王餘皆孝惠弟戚姬子如意為趙王薄夫人子恒為代王諸姬王子恢為梁王子友為淮陽王子長為淮南王子建為燕王高祖弟交為楚王兄子濞為吳王非劉氏功臣番君吳芮子臣為長沙王呂后最怨戚夫人及其子趙王迺令永巷如日列女傳曰周宣姜后脫簪珥待罪永巷後改為掖庭○索隱曰永巷別宮名有長巷故

名之也韋昭云以為在掖門內故謂之掖庭也囚戚夫人而名趙王使者三反趙相建平侯周昌謂使者曰高帝

屬臣趙王趙王年少竊聞太后怨戚夫人欲名趙王并誅之臣不敢遣王王且亦病不能奉詔呂后大怒迺使人名趙相趙相徵至長安迺使人復召趙王王來未到孝惠帝慈仁知太后怒自迎趙王霸上與入宮自挾與趙王起居飲食太后欲殺之不得間孝惠元年

司馬光曰為人
子者父母有過
則諫諫而不聽
則號泣而隨之
亦有身畜祖之
業為天下之主
不忍母之殘酷

不恤縱酒色以
傷生若孝惠者
可謂篤于小仁
而未知大誼者
也

十二月帝晨出射趙王少不能蚤起太后聞
其獨居使人持醪飲之應劭曰醪鳥食糲以
死徐廣曰犂猶此也諸趙王已
死犂猶此也諸趙王已
死於是乃徙淮陽王友為趙王夏詔賜酈侯
父追謚為令武侯索隱曰太后遂斷戚夫人
手足去眼輝耳飲瘖藥使居廁中命曰人彘
居數日迺召孝惠帝觀人彘孝惠見問迺知
其戚夫人迺大哭因病歲餘不能起使人請

太后曰此非人所為臣為太后子終不能治
天下孝惠以此日飲為淫樂不聽政故者病
也二年楚元王齊悼惠王皆來朝十月孝惠
與齊王燕飲太后前孝惠以為齊王兄置上
坐如家人之禮太后怒迺酌兩卮酖置前今
齊王起為壽齊王起孝惠亦起取卮欲俱為
壽太后迺恐自起泛孝惠卮索隱曰泛齊王
怪之因不敢飲詳醉去問知其酖齊王恐自

有

以為不得脫長安憂齊內史士徐廣曰說王

曰太后獨有孝惠與魯元公主如淳曰公并

女於諸侯必使諸侯同姓者主之故謂之公主百官表列侯所食曰國皇后公主所食曰

邑諸侯王女曰公主蘇林曰公五等尊爵也春秋聽臣子以稱君父婦人稱主有主孟

我之比故云公主瓚曰天子之女雖食湯沐之邑不君其氏○索隱曰皆音徒盪反按主

是謂里克妻即優施之語事見國語孟者且也言且嚼我物我教汝婦事夫之道此即婦

人稱主之意耳今王有七十餘城而公主迺

食數城王誠以一郡上太后為公主湯沐邑

太后必喜王必無憂於是齊王迺上城陽之

郡尊公主為王太后如淳曰張敖子偃為魯

呂后喜許之迺置酒齊邸正義曰漢法諸侯

也樂飲罷歸齊王三年方築長安城四年就

半五年六年城就索隱曰漢宮闕疏四年築

城方六十三里經緯各十二里諸侯來會十

月朝賀七年秋八月戊寅孝惠帝崩皇甫謐

秦始皇三十七年發喪太后哭泣不下留侯

城一作成

偃

比

子張辟彊為侍中應劭曰入侍中天年十五謂

丞相曰太后獨有孝惠今崩哭不悲君知其

解乎正義曰解紀賈反言哭解情有所思也又音戶賈反解節解也又紀賈反謂解

也說丞相曰何解辟彊曰帝毋壯子正義曰太

后畏君等君今請拜呂台呂產呂祿為將將

兵居南北軍及諸呂皆入宮居中用事如此

則太后心安君等幸得脫禍矣丞相迺如辟

彊計太后說其哭迺哀呂氏權由此起迺大

赦天下九月辛丑葬漢書云葬安陵皇覽曰

二十步居地六十畝皇甫謐曰去長陵十里去長安北三十五里太子即位

為帝謁高廟元年號令一出太后太后稱制

議欲立諸呂為王問右丞相王陵王陵曰高

帝刑白馬盟曰非劉氏而王天下共擊之今

王呂氏非約也太后不說問左丞相陳平絳

侯周勃勃等對曰高帝定天下王子弟今太

后稱制王昆弟諸呂無所不可太后喜罷朝

其陳平周勃不以此
有極諫而顧河曲
從迺致成其禍他
雖有列之功僅
是以贈今之罪耳
故曰人臣之義當以
王陵為正

王陵讓陳平絳侯曰始與高帝建血盟索隱曰建
鄭音使接反又云或諸君不在邪今高帝崩
太后女主欲王呂氏諸君縱欲阿意背約何
面目見高帝地下陳平絳侯曰於今面折廷
爭臣不如君夫全社稷定劉氏之後君亦不
如臣王陵無以應之十一月太后欲廢王陵
乃拜為帝太傅應劭曰古官傅者覆也噴
之相權王陵遂病免歸迺以左丞相平為右

二五具

丞相以辟陽侯審食其為左丞相索隱曰韋
信都之縣名也左丞相不治事令監官中如郎中令
食其故得幸太后常用事公卿皆因而決事
迺追尊酈侯父為悼武王欲以王諸呂為漸
四月太后欲侯諸呂迺先封高祖之功臣郎
中令無擇徐廣曰為博城侯正義曰括地志
漢博城魯元公主薨賜謚為魯元太后子偃
為魯王魯王父宣平侯張敖也封齊悼惠王

子章為朱虛侯正義曰括地志云朱虛故城在青州臨朐縣東六十里漢朱虛也十三州志云丹朱遊故虛故云朱虛也虛猶丘也朱猶丹

也猶丹以呂祿女妻之齊丞相壽為平定侯徐廣曰姓陽成也廷以

齊日姓少府延為梧侯徐廣曰姓陽成也廷以軍匠起作宮築城也

乃封呂種為沛侯徐廣曰釋之之子也○正義曰括地志云徐州沛縣

也古城呂平為扶柳侯徐廣曰呂后姊子也母字長胸○正義曰括地

志云扶柳故城在冀州信都縣西三十里漢扶柳縣也有澤澤中多柳故曰扶柳

買為南宮侯徐廣曰其父越太后欲王呂氏

先立孝惠後宮子彊為淮陽王韋昭曰今子陳留郡

不疑為常山王正義曰括地志云常山故城在恒州真定縣南八里本漢

東垣邑也子山為襄成侯索隱曰按下文更名義又改名以農漢書襄成

侯唯云名弘蓋史省文子朝為軹侯索隱曰耳按志襄城屬潁川

河內有軹縣音紙○正義曰括地志云故軹城在懷州終原縣東南十三里七國時魏邑

子武為壺關侯太后風大臣大臣請立酈侯

呂台為呂王正義曰初呂台為呂王後呂產王梁更名紹曰呂太后

許之建成康侯釋之率嗣子有罪廢立其弟

太后

太后

太后

呂祿徐廣曰釋為胡陵侯正義曰縣名屬山陽章帝改曰胡陵

續康侯後二年常山王薨以其弟襲成侯山

為常山王更名義十一月呂王台薨謚為肅

王太子嘉代立為王三年無事漢書云秋四

年封呂頹為臨光侯呂他為俞侯索隱曰他音陀俞音

輸○正義曰括地志云故師城在德州平原縣西南三十里本漢師縣呂他邑也呂

更始為贅其侯徐廣曰表云呂后弟子淮陽

呂忿為呂成侯正義曰括地志云其在臨淮故呂城在鄆州南

陽陽縣西三十里呂尚先祖封及諸侯丞相五人徐廣曰中邑侯朱通

山都侯王怡開松茲侯徐厲膝侯呂更始醴陵侯越宣平侯女為孝惠

皇后時無子詳為有身取美人子名之正義曰劉

伯莊云諸美人元幸呂氏懷身而入宮生子殺其母立所名子為

太子孝惠崩太子立為帝帝壯或聞其母死

非真皇后子迺出言曰后安能殺吾母而名

我我未壯壯即為變太后聞而患之恐其為

亂迺幽之永巷中言帝病甚左右莫得見太

后曰凡有天下治為萬民命徐廣曰一者蓋無此字之如天容之如地上有懼心以安百姓百姓欣然以事其上懼欣交通而天下治今皇帝病久不已迺失惑昏亂不能繼嗣奉宗廟祭祀不可屬天下其代之羣臣皆頓首言皇太后為天下齊民計所以安宗廟社稷甚深群臣頓首奉詔帝廢位太后幽殺之五月丙辰立常山王義為帝更名曰弘不稱元年者以

稱本在制

興年

太后制天下事也以軹侯朝為常山王置太尉官絳侯勃為太尉五年八月淮陽王薨以弟壺關侯武為淮陽王六年十月太后曰呂王嘉居處驕恣廢之以肅王台弟呂產為呂王夏赦天下封齊悼惠王子與居為東年侯索隱曰車昭云東萊縣七年正月太后名趙王友友以諸呂女為后弗愛愛他姬諸呂女妬怒去讒之於太后誣以罪過曰呂氏安得王太后百

史記紀九

茅坤曰此歌可
以擬屈宋

世師古曰舉
直言已之理
直筆天監
之

財教通魏
其傳報合財
取為用義同

歲後吾必擊之太后怒以故召趙王趙王至
置邸不見令衛圍守之弗與食其群臣或竊
饋輒捕論之趙王餓乃歌曰諸呂用事兮劉
氏危迫魯王侯兮彊授我妃我妃既妬兮誣
我以惡讒女亂國兮上曾不寤我無忠臣兮
何故葉國自決中野兮蒼天舉直徐廣曰舉一作與
于嗟不可悔兮寧蚤自財為王而餓死兮誰
者憐之呂氏絕理兮託天報仇丁丑趙王幽

陪

死以民禮葬之長安民冢次己丑日食晝晦
太后惡之心不樂乃謂左右曰此為我也二
月徙梁王恢為趙王呂王產徙為梁王梁王
不之國為帝太傅立皇子平昌侯太為呂王
更名梁曰呂呂曰濟川太后女弟呂頰索隱曰韋昭云樊噲妻有女為管陵侯劉澤妻澤為太
將軍太后王諸呂恐即崩後劉將軍為害廼
以劉澤為琅邪王以慰其心梁王恢之徙王

史記已已九

趙心懷不樂太后以呂產女為趙王后王后
從官皆諸呂擅權微伺趙王趙王不得自恣
王有所愛姬王后使人酖殺之王乃為歌詩
四章令樂人歌之王悲六月即自殺太后聞
之以為王用婦人棄宗廟禮廢其嗣宣平侯
張敖卒以子偃為魯王敖賜謚為魯元王秋
太后使使告代王欲徙王趙代王謝願守代
邊太傅產丞相平等言武信侯呂祿徐廣曰呂后兄

子也前封胡陵侯蓋號曰武信上侯位次第一如淳曰功大者位在上一
臣侯表有第一請立為趙王太后許之追尊

祿父康侯為趙昭王九月燕靈王建薨有羨

人子太后使入殺之無後國除八年十月立

呂肅王子東平侯呂通為燕王封通弟呂莊

為東平侯三月中呂后校還正義曰校勞弗反又音校後同

過軹道見物如蒼犬據高后掖徐廣曰忽弗

復見卜之云趙王如意為祟高后遂病掖傷

高后為外孫魯元王偃年少蚤失父母孤弱

廼封張敖前姬兩子侈為新都侯壽為樂昌

侯徐廣曰今細陽之池陽鄉以輔魯元王偃及封中六謁

者張釋為建陵侯徐廣曰一云張釋卿朋按

贊受事灌嬰為中謁者後常以奄人為之諸官加中者多奄人也呂榮為祝

茲侯徐廣曰呂后昆弟子諸中宦者令丞皆為關內侯

食邑五百戶如淳曰列侯出關就國關內侯但爵其身有加異者與關內之

邑食其租稅也風俗通義曰秦時六國未平將帥皆家關中稱關內侯七月中

高后病甚廼令趙王呂祿為上將軍軍北軍

呂王產居南軍呂太后誡產祿曰高帝已定

天下與大臣約曰非劉氏王者天下共擊之

今呂氏王大臣弗平我即崩帝年少大臣恐

為變必據兵衛官慎毋送喪毋為人所制幸

已高后崩遺詔賜諸侯王各千金蔡邕曰皇子封為王

者其實古諸侯也加號稱王故謂之將相列諸侯王王子封為侯者謂之諸侯也將相列

侯即吏皆以秩賜金大赦天下以呂王產為

相國以呂祿女為帝后高后已葬皇甫謐曰合葬長陵

皇覽曰高帝呂后山各一所也以左丞相審食其為帝太傅

朱虛侯劉章有氣力東牟侯興居其弟也皆

齊哀王弟居長安當是時諸呂用事擅權欲

為亂畏高帝故大臣絳灌等未敢發朱虛侯

婦呂祿女陰知其謀恐見誅廼陰令人告其

兄齊王欲令發兵西誅諸呂而立朱虛侯欲

從中與大臣為應齊王欲發兵其相弗聽八

李作興

因

月丙午齊王欲使人誅相相召平廼反舉兵

欲圍王王困殺其相遂發兵東詐奪琅邪王

兵并將之而西語在齊王語中齊王廼遺諸

侯王書曰高帝平定天下王諸子弟悼惠王

王齊悼惠王薨孝惠帝使留侯良立臣為齊

王孝惠崩高后用事春秋高聽諸呂擅廢帝

更立又比殺三趙王索隱曰比音如字比猶

王友趙王也滅梁趙燕以王諸呂分齊為四

類一本作類

忠臣進諫上惑亂弗聽今高后崩而帝春秋
富未能治天下固恃大臣諸侯而諸呂又擅
自尊官聚兵嚴威劫列侯忠臣矯制以令天
下宗廟所以危寡人率兵入誅不當為王者
漢聞之相國呂產等迺遣穎陰侯灌嬰將兵
擊之灌嬰至滎陽迺謀曰諸呂權兵關中欲
危劉氏而自立今我破齊還報此益呂氏之
貨也迺留屯滎陽使使諭齊王及諸侯與連

和以待呂氏變共誅之齊王聞之迺還兵西
界待約呂祿呂產欲發亂關中內憚絳侯朱
虛等外畏齊楚兵又恐灌嬰畔之欲待灌嬰
兵與齊合而發猶豫未決索隱曰猶鄒音以獸反與音預又作
豫崔浩云猶猿類也印鼻長尾性多疑又說文云猶獸名多疑故比之也按狐性亦多疑
度水而聽水聲故云狐疑也今解者又引老子與猶予冬涉川猶予若畏四隣故以為猶
與且按狐聽水而此云猶予冬涉川則猶與是狐類不疑若畏四隣則猶定是獸自不保
同類故云當是時濟川王太淮陽王武常山
畏四隣也當是時濟川王太淮陽王武常山

王朝名為少帝，及魯元王、呂后、外孫皆年少，未之國居。長安趙王、梁王、產各將兵居南北軍，皆呂氏之人。列侯羣臣莫自堅其命。太尉絳侯勃不得入軍中，主兵。曲周侯酈商老病，其子寄與呂祿善。絳侯迺與丞相陳平謀，使人劫酈商，令其子寄往，給說呂祿曰：「高帝與呂后共定天下，劉氏所立九王，索隱曰：淮南、琅邪、代、常山、王朝、淮陽、具楚、齊。呂氏立三王，隱：索

曰：梁王、產、趙王、祿、趙王通也。皆大臣之議事，已布告諸侯。

諸侯皆以為宜。今太后崩，帝少，而足下佩趙王印，不急之國，守藩迺為上將。將兵留此，為大臣諸侯所疑，足下何不歸將印，以兵屬太尉，請梁王歸相國印，與大臣盟而之國。齊兵必罷，大臣得安，足下高枕而王千里，此萬世之利也。呂祿信然其計，欲歸將印，以兵屬太尉。使人報呂產及諸呂老人，或以為便。或曰

不便計猶豫未有所決呂祿信酈寄時與出
游獵過其姑呂嬃嬃大怒曰若為將而棄軍
呂氏今無處矣索隱曰嬃師古以為誅滅無處所也迺悉出
珠玉寶器散堂下曰毋為他人守也左丞相
食其免八月庚申旦平陽侯窋行御史大夫
事見相國產計事即中令賈壽使從齊來因
數產曰王不蚤之國今雖欲行尚可得邪具
以灌嬰與齊楚合從欲誅諸呂告產迺趣產

急入官平陽侯頗聞其語迺馳告丞相太尉
太尉欲入北軍不得入襄平侯通徐廣曰尚
符節張晏曰紀信子也尚主也今符節令○
死不見有後按功臣表襄平侯紀通父成以
將軍定三秦死事子侯則通非信子張說謬
誤迺令持節矯內太尉北軍太尉復令酈寄
與典客劉揭漢書百官表曰典客秦先說呂
祿曰帝使太尉守北軍欲足下之國急歸將
印辭去不然禍且起呂祿以為酈况徐廣曰

也名不欺已遂解印屬典客而以兵授太尉
 太尉將之入軍門行令軍中曰為呂氏右禮
 為劉氏左禮軍中皆左禮為劉氏太尉行至
 將軍呂祿亦已解上將印去太尉遂將北軍
 然尚有南軍平陽侯聞之以呂產謀告丞相
 平丞相平迺召朱虛侯佐太尉太尉令朱虛
 侯監軍門令平陽侯告衛尉毋入相國產殿
 門呂產不知呂祿已去北軍迺入未央宮欲

為亂殿門弗得入徘徊往來平陽侯恐弗勝

馳語太尉太尉尚恐不勝諸呂未敢訟言誅

之徐廣曰訟一作公駟案韋昭曰訟猶公也

公為得之公言猶明言也又解者云訟誦說也迺遣朱虛侯謂曰急

入宮衛帝朱虛侯請率太尉予卒千餘人入

未央宮門遂見產廷中日舖時遂擊產產走

天風大起以故其從官亂莫敢鬪遂產殺之

即中府吏廁中如淳曰百官表郎中令掌守宮殿門戶故其府在宮中後轉

適子為齊王推本言之高帝適長孫可立也
 大臣皆曰呂氏以外家惡而幾危宗廟亂功
 臣今齊王母家駟鈞駟鈞惡人也即立齊王
 則復為呂氏欲立淮南王以為少母家又惡
 廼曰代王方今高帝見子最長仁孝寬厚太
 后家潘氏謹良且立長故順以仁孝聞於天
 下便廼相與共陰使入召代王代王使人辭
 謝再反然後乘六乘傳張晏曰備漢朝有變欲驅還也或曰傳車

六後九月

文穎曰即閏九月也時律曆感不

首至九月則歲終

後九月則閏月晦日巳酉至長安舍代邸

大臣皆往謁奉天子璽上代王共尊立為天

子代王數讓群臣固請然後聽東牟侯興居

曰誅呂氏吾無功請得除官廼與大僕汝陰

侯滕公入宮前謂少帝曰足下非劉氏不當

立乃顧麾左右執戟者搃兵罷去徐廣曰有搃音仆有

數人不肯去兵宦者令張澤諭告亦去兵滕

公迺名乘輿車載少帝出蔡邕曰律曰敢盜

至尊不敢深瀆言之故託於乘輿也乘猶載也輿猶車也天子以天下為家不以京師宮

室為常處則當乘車輿以行天下故群少帝

臣託乘輿以言之也故或謂之車駕

曰欲將我安之乎滕公曰出就舍舍少府迺

奉天子法駕蔡邕曰天子有大駕小駕法駕

車駕四馬侍中參乘屬車三十六乘迎代王於邸報曰宮謹除

門曰天子在也足下何為者而入代王迺謂

太尉太尉往諭謁者十人皆擗兵而去代王

遂入而聽政夜有司分部誅滅梁淮陽常山

王及少帝於邸代王立為天子二十三年崩

謚為孝文皇帝

太史公曰孝惠皇帝高后之時黎民得離戰

國之苦君臣俱欲休息乎無為故惠帝乘拱

高后女主稱制政不出房戶天下晏然刑罰

罕用罪人是希民務稼穡衣食滋殖

一本尚私食其作潛用
福威又往作惟

索隱述贊曰

高祖高祖猶微

呂氏作妃

及正軒掖

尚私食其

志懷安忍

性狹猜疑

置鳩齊悼

殘穢戚姬

孝惠崩殞

其哭不悲

諸呂用事

天下示私

大臣趙主

支薛芟夷

禍盈斯驗

蒼狗為雷

呂后本紀第九

史記九

八十五

孝文本紀第十

史記十

孝文皇帝

漢書音義曰諱恒

高祖中子也高祖十一

年春已破陳豨軍定代地立為代王都中都

正義曰括地志云中都故城在汾州平遙縣西南十二里秦屬太原郡也太后薄

氏子即位十七年高后八年七月高后崩九

月諸呂呂產等欲為亂以危劉氏大臣共誅

之謀召立代王事在呂后語中丞相陳平太

尉周勃等使人迎代王代王問左右郎中令

高祖紀上一年高祖
非郭誦等未
半師仍任
游以王黃軍
有渡河擊聊
何軍郭蒙與
破之大尉南
至代地至馬
攻後之師持
高祖紅之不
多親之然其
為者斬之不
是乃之趙北
以王都中陽
之記言都中
也亦存後漢
漢都於中都

注漢書上
有綱括

性狹

漢書注師古言言帝
曰漢志云屬意於注
受

張武等張武等議曰漢大臣皆故高帝時大
將習兵多謀詐此其屬意非止此也特畏高
帝呂太后威耳今已誅諸呂新噫血京師非
傳曰京大神衆也天子之居必以衆大之辭
言也○索隱曰漢書史作牒音跣丁牒反漢
書陳湯杜業皆言喋血無盟敢
事廣雅云喋履也謂履涉之
此以迎大王
為名實不可信願大王稱疾毋往以觀其變
中尉宋昌進曰索隱曰東觀漢記宋揚傳宋
義後有宋昌又會稽典錄昌
孫也羣臣之議皆非也夫秦失其政諸侯豪

經注多矣而下平盤
面不可倚而移動好為
也

桀並起人人自以為得之者以萬數然卒踐
天子之位者劉氏也天下絕望一矣高帝封
王子弟地犬牙相制索隱曰言封王子弟境土
當而相此所謂磐石之宗也
索隱曰言其固
如磐石此語見
木公天下服其疆二矣漢興除秦苛政約法
令施德惠人人自安難動搖三矣夫以呂太
后之嚴立諸呂為三王擅權專制然而太尉
以一節入北軍索隱曰即紀通一呼士皆左

祖為劉氏叛諸呂卒以滅之此乃天授非人力也今大臣雖欲為變百姓弗為使其黨寧能專一邪方今內有朱虛東牟之親外畏吳楚淮南琅邪齊代之彊方今高帝子獨淮南王與大王六王又長賢聖仁孝聞於天下故大臣因天下之心而欲迎立大王大王勿疑也代王報太后計之猶與未定卜之龜卦兆得大橫應劭曰以荆灼龜文正橫占曰大橫庚庚余為天

王夏啓以光張晏曰庚橫貌也李奇曰庚其

庚更也言去諸侯而即帝位也先是五帝官天下下老則禪賢王啓始傳父爵乃能光治先君之基業文帝亦襲父迹言似夏啓者也○索隱曰荀悅云大橫龜兆橫理也按庚猶更言以諸侯更帝位也絲抽也所以抽出吉凶之情也杜預云絲兆辭也音曹漢書蓋寬饒云五帝官天下三王家天下官以傳賢人家以傳子孫官猶公也謂不私也代王

曰寡人固已為王矣又何王卜人曰所謂天王者乃天子於是代王乃遣太后弟薄昭往見絳侯絳侯等具為昭言所以迎立王意簿

心絳侯漢書仍見太
功逆絕外也絳侯

昭還報曰信矣母可疑者代王乃笑謂宋昌
曰果如公言乃命宋昌參乘張武等六人乘
傳詣長安至高陵休止正義曰括地志云高陵故城在雍州高陵
縣西南一里本名橫橋架渭水上三輔舊事云秦於渭南有與宮渭北有咸陽宮秦昭王欲通二宮之間造橫長橋三百八十步橋北
京石水中舊有留神象此神曾與魯班語班令其出留曰我兒醜卿善圖物容不出班於是拱手與語曰出頭見我留乃出首班以脚畫地材留覺之便沒水故置其象於水上而唯有胷以上魏太祖馬見而驚命殺下之而
使宋昌先馳之長安觀變昌至渭橋蘇林曰在長安

北三里○索隱曰三輔故事云咸陽宮在渭北與樂宮在渭南秦昭王通兩宮之間作渭橋長三百八十步又關中記云石柱
丞相以

下皆迎宋昌還報代王馳至渭橋羣臣拜謁
稱臣代王下車拜太尉勃進曰願請問言索隱

曰包愷音閑言欲向空閑處語顏師古云間容也猶言中間請容暇之頃當有所陳不欲即公
宋昌曰所言公言之所言私王者不

受私太尉乃跪上天子璽符代王謝曰至代
邸而議之索隱曰說文遂馳入代邸羣臣從

汪漢上二毛有駟按

至丞相陳平太尉周勃大將軍陳武御史大

夫張蒼宗正劉郢漢書百官表曰宗正秦官應劭曰周成王時邢伯入

為宗朱虛侯劉章東牟侯劉興居典客劉揭

皆再拜言曰子弘等皆非孝惠帝子不當奉

宗廟臣謹請與陰安侯蘇林曰高帝兄伯妻羹頡侯終世也

列侯項王后徐廣曰代項王劉仲之妻嗣按音項蘇林曰仲子濞為吳王故追謚

為項王也如淳曰項王后封陰安侯時呂頡為林光侯蕭何夫人亦為鄭侯又宗室表此

時無陰安知其為項王后也○索隱曰按蘇林徐廣韋昭以為二人封號而樂產如淳以

項王后別封陰安侯與漢祠令相會今以陰安是別人封爵非也項王后是代項王后文

帝之伯母代王降為郃陽侯故云列與琅邪之類劉澤也

王宗室大臣列侯吏二千石議曰大王高帝

長子宜為高帝嗣願大王即天子位代王曰

奉高帝宗廟重事也寡人不佞不足以稱宗

廟願請楚王計宜者蘇林曰楚王名交高帝弟○索隱曰交高帝弟

最尊言更請楚王計宜者故下云皆為宜也寡人不敢當羣臣皆

伏固請代王西鄉讓者三南鄉讓者再如淳曰讓

史記卷一百一十五

群臣也。或曰賓主位，東西面，君臣位，南北面。故西鄉坐，三讓不受，群臣猶稱宜，乃更迴坐。示變，即君位之漸也。丞相平等皆曰：臣伏計之，大王奉

高帝宗廟，最宜稱。雖天下諸侯萬民，以為宜

臣等為宗廟社稷計，不敢忽願。大王幸聽臣

等，臣謹奉天子璽符，再拜上代王曰：宗室將

相王列侯，以為莫宜寡人，寡人不敢辭。遂即

天子位，羣臣以禮次侍。乃使太僕嬰與東牟

侯興居清宮。應劭曰：舊典天子行幸，前至必遣靜宮令先按行，清靜殿中，以

禮記非常 ○索隱曰：按漢儀云：奉天子法駕迎

于代邸。索隱曰：漢官儀云：天子鹵簿有大駕

乘屬車八十一乘，法駕公卿不在鹵簿中，惟

京兆尹執金吾長安令奉引，侍中參乘屬車

三十乘。皇帝即日夕入未央宮，乃夜拜宋昌為

衛將軍，鎮撫南北軍，以張武為郎中，令行殿

中，還坐前殿。於是夜下詔書曰：間者諸呂用

事擅權，謀為大逆，欲以危劉氏宗廟。賴將相

列侯宗室大臣誅之，皆伏其辜。朕初即位，其

赦天下賜民爵一級女子百戶牛酒蘇林曰男賜爵

女子賜牛酒○索隱曰按封碑書云百戶牛一頭酒十石樂府云婦人無夫或無子不露

爵故酺五日文類曰酺律三人已上無故群賜之酺五日飲罰金四兩今詔橫賜得令會

聚飲食五日○索隱曰說文云酺王者布德大飲酒也出錢為醕出食為酺又按趙武靈

王滅中山酺五日孝文皇帝元年十月庚戌是其所起遠也

徙立故琅邪王澤為燕王辛亥皇帝即義正

日主人謁高廟右丞相平正義曰此徙為左

丞相太尉勃為右丞相大將軍灌嬰為太尉

諸呂所奪齊楚故地皆復與之壬子遣車騎

將軍薄昭迎皇太后于代皇帝曰呂產自置

為相國呂祿為上將軍擅矯遣灌將軍嬰將

兵擊齊欲代劉氏嬰留滎陽弗擊與諸侯合

謀以誅呂氏呂產欲為不善丞相陳平與太

尉周勃謀奪呂產等軍朱虛侯劉章首先捕

呂產等太尉身率襄平侯通持節承詔入北

軍曲客劉揭身奪趙王呂祿印益封太尉勃

萬戶賜金五千斤丞相陳平灌將軍嬰邑各
三千戶金二千斤朱虛侯劉章襄平侯通東
牟侯劉興居邑各二千戶金千斤徐廣曰十一月辛丑
封典客揭為陽信侯索隱曰韋昭云勃海縣正義曰括地志云陽
信故城在滄州無棣縣東南三十里漢陽信縣賜金千斤十二月上
曰法者治之正也所以禁暴而率善人也今
犯法已論而使毋罪之父母妻子同產坐之
及為收帑朕甚不取其議之有司皆曰民不

能自治故為法以禁之相坐坐收所以累其
心使重犯法所從來遠矣如故便上曰朕聞
法正則民懋罪當則民從且夫牧民而導之
善者吏也其既不能導又以不正之法罪之
是反害於民為暴者也何以禁之朕未見其
便其熟計之有司皆曰陛下加大惠德甚盛
非臣等所及也請奉詔書除收帑諸相坐律
令應劭曰帑子也秦法一人有罪并坐其家室今除此律正月有司言

所古言後世因循
子也

曰蚤建太子所以尊宗廟請立太子上曰朕

既不德上帝神明弗歆享天下人民未有謙

志索隱曰謙者不滿之意也未有謙志言今

縱不能博求天下賢聖有德之人而禪天下

焉而曰豫建太子是重吾不德也謂天下何

其安之索隱曰言何以謂於天下也其發有

司曰豫建太子所以重宗廟社稷不忘天下

也上曰楚王季父也春秋高閱天下之義理

多矣如淳曰閱猶言多所更歷也明於國家之大體吳王

於朕兄也惠仁以好德淮南王弟也秉德以

陪朕文穎曰陪輔也豈為不豫哉諸侯王宗室昆弟

有功臣多賢又有德義者若舉有德以陪朕

之不能終是社稷之靈天下之福也今不選

舉焉而曰必子人其以朕為忘賢有德者而

專於子非所以憂天下也朕甚不取也有司

皆固請曰古者殷周有國治安皆千餘歲古

之有天下者莫不長焉索隱曰言用此道也古之有天

下者無長於立子故云莫長焉用此道者立

嗣必子所從來遠矣高帝親率士大夫始平

天下建諸侯為帝者太祖諸侯王及列侯始

受國者皆亦為其國祖子孫繼嗣世世弗絕

天下之大義也故高帝設之以撫海內今釋

宜建而更選於諸侯及宗室非高帝之志也

更議不宜索隱曰言不子某最長純厚慈仁

請建以為太子上乃許之因賜天下民當代

父後者爵各一級韋昭曰文帝以立子為後

為父後者爵封將軍薄昭為軹侯徐廣曰正三月

有司請立皇后薄太后曰諸侯皆同姓立太

子母為皇后索隱曰謂帝之子為諸侯王皆

太子也皇后姓竇氏上為立后故賜天下鰥寡

孤獨窮困及年八十已上孤兒九歲已下布

帛米肉各有數上從代來初即位施德惠天

從

下填撫諸侯四夷皆洽驩乃循從代來功臣
 上曰方大臣之誅諸呂迎朕朕狐疑皆止朕
 唯中尉宋昌勸朕朕以得保奉宗廟已尊富
 為衛將軍其封畧為壯武侯徐廣曰四月辛亥封封三十四
 年景帝中四年奪侯國除○索隱曰韋昭云
 膠東縣○正義曰括地志云壯武故城在萊
 州即墨縣西六十里古萊諸從朕六人官皆
 至九卿正義曰漢置九卿一日太僕五日廷尉六
 日大鴻臚七日宗正八日太常二日九
 司農九日少府是為九卿也上曰列侯從高

帝入蜀漢中者六十八人皆益封各三百戶

故吏二千石以上從高帝潁川守尊等十人

食邑六百戶淮陽守申從嘉等十人五百戶

衛尉定等十人四百戶封淮南王舅父趙兼

為周陽侯正義曰括地志云周陽故城在絳州聞喜縣東二十九里齊王

舅父駟鈞為清郭侯如淳曰邑名六國時齊有清郭君清音靜○索

隱曰按表鈞封郭侯不同秋封故常山丞

相蔡兼為樊侯索隱曰韋昭云樊東平縣名○正義曰括地志云漢樊將

漢書卷之六

城在兗州瑕丘西南二十五里地
理志云樊鄴古樊國仲山甫所封人或說右
丞相曰君本誅諸呂迎代王今又矜其功受
上賞處尊位禍且及身右丞相勃乃謝病免
罷左丞相平專為丞相徐廣曰
二年十月丞相平卒復以絳侯勃為丞相上
曰朕聞古者諸侯建國千餘歲各守其地以
時入貢民不勞苦上下驩欣靡有遺德今列
侯多居長安邑遠吏卒給輸費苦而列侯亦

漢書卷之六

無由教馴其民正義曰馴古訓字其令列侯之國為

吏及詔所止者遣太子張晏曰為吏謂以卿大夫為兼官者詔所

止特以恩愛見留者十一月晦日有食之正義曰按此

朔月蝕則望而云晦日蝕之恐曆錯誤十二月望日又食徐廣曰此

云望日又食按漢書及五行志無此日上曰蝕文也一本作月食然史書不記月食

朕聞之天生蒸民為之置君以養治之人至

不德布政不均則天示之以蓄以誠不治乃

十一月晦日有食之適見于天蓄孰大焉朕

史記卷之六

有見思之思漢書元

獲保宗廟以徵眇之身託千兆民君王之上
天下治亂在朕一人唯二三執政猶吾股肱
也朕下不能理育群生上以累三光之明其
不德大矣今至其悉思朕之過失及知見思
之所不及白以告朕及舉賢良方正能直言
極諫者以匡朕之不逮因各飭任職務省繇
費以便民朕既不能遠德故憫然念外人之
有非漢書音義曰憫然猶介然也非姦非也
索隱曰蘇林云憫寢視不安之貌蓋

近其意餘說皆是以設備未息今縱不能罷

邊本戍而又飭兵厚衛其罷衛將軍軍太僕

見馬遺財足索隱曰遺猶留也財字與纒同

也餘皆以給置傳索隱曰按廣雅云置驛也

置故樂者亦云傳置一也言乘傳者以傳次

律四馬高足為傳置四馬中足為馳置下足

正月上曰農天下之本其開籍田應劭曰古

籍田千畝為天下先籍者帝王典籍之常章
昭曰籍借也借民力以治之以奉宗廟且以

勸率天下使務農也。賡曰：景帝詔曰：朕親耕，
后親桑，為天下先。本以躬親為義，不得以假
借為稱也。朕親率耕，以給宗廟。梁盛，應劭曰：梁，在器。盛，中曰盛。三月，有司請立皇子為諸侯。王上曰：
趙幽王幽死，朕甚憐之。已立其長子遂為趙
王，遂弟辟彊及齊悼惠王子朱虛侯章、東牟
侯興居有功，可王。乃立趙幽王少子辟彊為
河間王，以齊劇郡立朱虛侯為城陽王，立東
牟侯為濟北王，皇子武為代王，子參為太原

王子揖為梁王。上曰：古之治天下，朝有進善

之旌。應劭曰：旌，幡也。堯設之，五達之道，令民進善也。如傳曰：欲有進善者，立於旌下。

言誹謗之木。服虔曰：堯作之，橋梁交午柱頭，應劭曰：橋梁邊板，所以書政治。

之愆失也。至秦去之，今乃復施也。○索隱曰：
按月子云：堯立誹謗之木，誹音非，亦音沸。車

昭云：慮政有關失，使書於木，此堯時然也。後
代因以為飾。今宮外橋梁頭四柱木是。鄭玄

註禮云：一縱一橫為午，謂以木貫柱，四出
即今之華表。崔浩以為木貫柱，四出名桓。陳

楚俗，桓聲近和，又云和，所以通治道而來諫
表，則華與和又相訛也。

者，今法有誹謗妖言之罪，是使衆臣不敢盡

情而上無由聞過失也將何以來遠方之賢

良其除之民或祝詛上以相約結而後相謾漢書音義曰民相結共祝詛上也謾者而後

謾而止之不畢祝詛也○索隱曰韋昭云謾

相抵闌也說文云謾欺也謂初相約更以為

大逆其有他言而吏又以為誹謗此細民之

愚無知抵死朕甚不取自今以來有犯此者

勿聽治九月初與郡國守相為銅虎符竹使

符應劭曰銅虎符第一至第五國家當發兵遣使者至郡合符符合乃聽受之竹使符

皆以竹箭五枚長五寸鑄刻篆書第一至第

五張晏曰符以代古之珪璋從簡易也○索

隱曰漢舊儀銅虎符發兵長六寸竹使符出

入徵發說文云符分而合之小顏云右留京

師左與之古今註云銅虎符銀

錯書之張晏云銅取其同心也

三年十月丁酉晦日有食之十一月上曰前

日計遣列侯之國或辭未行丞相朕之所重

其為朕率列侯之國絳侯勃免丞相就國以

太尉穎陰侯嬰為丞相罷太尉官屬丞相四

月城陽王章薨淮南王長與從者魏敬殺辟

地均至有字
帝上有字

陽侯審食其五月匈奴入北地居河南為寇

帝初幸甘泉蔡邕曰天子車駕所至民臣以為僥倖故曰幸至見令長三老

官屬親臨軒作樂賜食帛越巾刀佩帶氏爵有級數或賜田租之半故因是謂之幸○索

隱曰應劭云甘泉宮名在雲陽一名林光臣璿云甘泉山名林光秦離宮名又顧氏按邢

承宗西征賦註云甘泉水名今按因六月帝地有甘泉以名山則山水皆通也

曰漢與匈奴約為昆弟毋使害邊境所以輸

遺匈奴甚厚今右賢王離其國將眾居河南

降地非常故往來近塞捕殺吏卒驅保塞蠻

夷令不得居其故陵轢邊吏入盜甚教無道

非約也其教邊吏騎八萬五千詣高奴遣丞

相穎陰侯灌嬰擊匈奴匈奴去殺中尉漢書

表曰中尉秦官材官屬衛將軍軍長安幸卯帝自甘

泉之高奴因幸太原見故羣臣皆賜之舉功

行賞諸民里賜牛酒復晉陽中都民正義曰

汾州平遙縣三歲留游太原十餘日濟北王

興居聞帝之代欲往擊胡乃反殺兵欲襲榮

評林劉牧言高帝
之與興居去來降
赦之今此文亦為之與
王興居居去來者
赦之蓋此一居字
之誤也

陽於是詔罷丞相兵遣棘蒲侯陳武為大將

軍將十萬往擊之祁侯賀徐廣曰姓縉以文帝十一年卒謚曰

敬○索隱曰漢書音義祁音運賀姓縉縉古國夏同姓也○正義曰括地志云并州祁縣

城晉大夫為將軍軍滎陽七月辛亥帝自太

原至長安廼詔有司曰濟北王背德反上註

誤吏民為大逆濟北吏民兵未至先自定及

以軍地邑降者皆赦之復官爵與王興居去

來亦赦之徐廣曰去來也駟案張晏八日雖始與興居反今降赦之

月破濟北軍虜其王赦濟北諸吏民與王反

者漢書卷九十六平定東漢南王王莽

六年有司言淮南王長廢先帝法不聽天子

詔居處母度出入擬於天子擅為法令與棘

蒲侯太子奇謀反遣人使閩越及匈奴發其

兵欲以危宗廟社稷羣臣議皆曰長當棄市

帝不忍致法於王赦其罪廢勿王群臣請處

王蜀嚴道邛都徐廣曰漢書本或作却字或直云邛麤邛都乃本是西南

置也

好意註
詳見卷之

夷爾時未通嚴道有邛夔山○正義曰邛其
恭反括地志云嚴道今為縣即邛州所理縣
也縣有蠻夷曰道故曰嚴道邛都縣本都國
漢為縣今雋州也西南夷傳云滇池以北君
長以十數邛都最大是也按群臣請處淮南
王長蜀之嚴道不爾更遠邛都西有邛夔山
也○又云邛夔山在雅州榮經縣界榮經武
德年間置本秦嚴地華陽國志云邛笮山故
邛人笮人界也山巖峭峻曲回九折乃至上
下有凝冰按即王尊登者也今從九折西南
行至雋州山多雨少帝許之長未到處即行
病死上憐之後十六年追尊淮南王長謚為
厲王立其子三人為淮南王索隱曰名安衡

山王

索隱曰名勃安陽侯也

廬江王

索隱曰名賜周陽侯也

十三

年夏上曰蓋聞天道禍自怨起而福繇德興
百官之非宜由朕躬今祕祝之官移過于下
應劭曰祕祝之官移過于下國家諱之故曰祕以彰吾之不德朕甚
不取其除之五月齊太倉令淳于公有罪當

刑

索隱曰名意為齊太倉令故謂之倉公也

詔獄

徒繫長安太

倉公無男有女五人太倉公將行會逮罵其
女曰生子不生男有緩急非有益也其少女

皇紀武帝紀注漢時
九石神司天上持節都降
有石樹是奉以鞠因
四以名名工城帝紀注
比謂新樂治皆為記

緹縈索隱曰緹音啼也自傷泣乃隨其父至長

安上書曰妾父為吏齊中皆稱其廉平今坐

法當刑妾傷夫死者不可復生刑者不可復

屬雖復欲改過自新其道無由也妾願沒入

為官婢贖父刑罪使得自新書奏天子天子

憐悲其意乃下詔曰蓋聞有虞氏之時畫衣

冠異章服以為僂正義曰晉書刑法志云三

衣冠而氏知禁犯黥者卑其巾犯劓者丹其

字彙云縈音六辱也

殊刑之極布其衣裾而無而民不犯何則至

治也今法有肉刑三李奇曰約法三章無肉

刑而官不易張斐註云以而姦不止其咎安

在非乃朕德薄而教不明毀吾甚自愧故夫

馴道不純而愚民陷焉詩曰愷悌君子民之

父母今人有過教未施而刑加焉或欲改行

為善而道毋由也朕甚憐之夫刑至斷支體

為善而道毋由也朕甚憐之夫刑至斷支體

刻肌膚終身不息何其楚痛而不德也豈稱
為民父母之意哉其除肉刑上曰農天下之
本務莫大焉今勤身從事而有租稅之賦是
為本末者毋以異李奇曰本農也末賈也言農與賈俱出租無異也故
除田租其於勸農之道未備其餘田之租稅
十四年冬匈奴謀入邊為寇攻朝那塞殺北
地都尉徐廣曰姓孫封其子上乃遣三將
軍軍隴西北地上郡中尉屠舍為衛將軍郎

中令張武為車騎將軍軍渭北車千乘騎卒
十萬帝親自勞軍勒兵申教令賜軍吏率帝
欲自將擊匈奴羣臣諫皆不聽皇太后固要
帝如淳曰必不帝乃止於是得自征也以東陽侯張相
如為大將軍成侯徐廣曰赤為內史藥布為
將軍擊匈奴匈奴遁走春上曰朕獲執犧牲
珪幣以事上帝宗廟十四年于今歷日縣長
以不敏不明而久撫臨天下朕甚自愧其廣

增諸祀，禪場珪幣。昔先王遠施，不求其報望。

祀不祈其福，右賢左戚。韋昭曰：右猶高，左猶下也。○索隱曰：劉德

云：先賢後親也。先民後己，至明之極也。今吾聞祠官

祝釐，如淳曰：釐，福也。賈誼傳：受釐，皆歸福。朕

躬不為百姓，朕甚愧之。夫以朕不德而躬享

獨美其福，百姓不與焉。是重吾不德，其令祠

官致敬，毋有所祈。是時北平侯張蒼為丞相

方明律歷，魯人公孫臣上書陳終始傳五德

事。索隱曰：五行之德，帝王相承傳易終而言復始，故云終始傳五德之事。傳音轉也。

方今土德時，土德應黃龍見，當改正朔服色

制度。天子下其事與丞相議，丞相推以為今

水德始明，正十月上黑事，以為其言非是，請

罷之。

十五年黃龍見成紀。韋昭曰：成紀，縣，屬天水。天子乃復

召魯公孫臣，以為博士，申明土德事。於是上

乃下詔曰：有異物之神見于成紀，無害於民

乃下詔曰：有異物之神見于成紀，無害於民

歲以有年朕親郊祀上帝諸神禮官議毋諱

以勞朕漢書音義曰言無所諱勿以朕為勞有司禮官皆曰古

者天子夏躬親禮祀上帝於郊故曰郊於是

天子始幸雍郊見五帝以孟夏四月荅禮焉

趙人新垣平以望氣見因說上設立渭陽五

廟車昭曰在渭城欲出周鼎當有玉英見瑞應圖云玉英五常

並備則見

十六年上親郊見渭陽五帝廟亦以夏荅禮

而尚赤

十七年得玉杯應劭曰新垣平詐令人獻之刻曰人主延

壽於是天子始更為元年索隱曰秦本紀惠文王十四年更為

元年又汲冢竹書魏惠王亦有後元當取法於此又按封禪書以新垣平係日拜中故改

也令天下大酺其歲新垣平事覺夷三族後

二年上曰朕既不明不能遠德是以使方外

之國或不寧息夫四荒之外不安其生索隱曰

胤按爾雅狐竹北戶西封畿之內勤勞不處

二者之咎皆自於朕之德薄而不能遠達也
 間者累年匈奴並暴邊境多殺吏民邊臣兵
 吏又不能諭吾內志以重吾不德也夫久結
 難連兵中外之國將何以自寧今朕夙興夜
 寐勤勞天下憂苦萬民為之怛惕不安來嘗
 一日忘於心故遣使者冠蓋相望結軼於道
 軼音轍韋昭曰使車往還故轍如結也相如
 曰結軼還轍○索隱曰鄒氏軼音逸漢書作
 轍顧氏按司馬彪云結謂車轍回旋錯結也
 以諭朕意於單于今

未九

司馬相如傳曰是頸擊
 一牛居切音相應和莊
 十後音獨

單于反古之道計社稷之安便萬民之利親
 與朕俱棄細過偕之大道結兄弟之義以全
 天下元元之民索隱曰戰國策云制海內子
 元善也又按非案云古者謂人云善人也因
 善為元故云黎元其言元元者非一人也顧
 野王云元元猶喁喁可足和親已定始于今
 年後六年冬匈奴三萬人入上郡三萬人入
 雲中以中大夫令勉徐廣曰衛尉改名也
 案漢書百官表景帝初
 改衛尉為中大夫令非此年也○索隱曰中
 大夫令是官號勉其名後此官改為光禄勳

虞世南以此稱中大夫令是史家追書耳顏
遊秦以令是姓歟是名爲中大夫據風俗通

令姓令尹爲車騎將軍軍飛狐注應助曰山險
子文之後爲車騎將軍軍飛狐注應助曰山險

上故楚相蘇意爲將軍軍注應助曰山險

館○索隱曰伏儼句將軍張武屯北地河內
音俱包愷音鈞也

守周亞夫爲將軍居細柳徐廣曰在長安西

圖細柳倉在渭北近石徵張揖曰在昆明池
南今有柳市是也○索隱曰按三輔故

柳在直隸門外阿房宮西北維又匈奴傳宗
云細柳在長安西如淳云在渭北非也

正劉禮爲將軍居霸上祝茲侯徐廣曰表作

名軍棘門徐廣曰在渭北駟按孟康曰在長
安北秦時宮門也如淳曰三輔黃

圖棘門在以備胡數月胡人去亦罷天下旱

蝗帝加惠今諸侯毋入貢弛山澤韋昭曰弛

禁以減諸服御狗馬損郎吏負菽倉庾應助

漕倉曰庾胡公曰在邑曰倉在野曰庾○索
隱曰郭璞註三蒼云庾倉無屋也胡公名廣

後漢太尉作以振貧民民得賣爵索隱曰崔

漢官解詁也欲爵貧人欲孝文帝從代來即位二十三年

宮室苑囿狗馬服御無所增益有不便輒弛

以利民嘗欲作露臺徐廣曰露一作靈○索隱曰顧氏按新豐南驪

山上猶有臺之舊趾也名匠計之直百金上曰百金中

民十家之產吾奉先帝官室常恐羞之何以

臺為上常衣絺衣如淳曰貫誼云身衣卑絺所幸慎夫人

令衣不得曳地幃帳不得文繡以示敦朴為

天下先治霸陵皆以瓦器不得以金銀銅錫

為飾不治墳欲為省毋煩民南越王尉佗自

立為武帝然上召貴尉佗兄弟以德報之佗

遂去帝稱臣與匈奴和親匈奴背約入盜然

令邊備守不發兵深入惡煩苦百姓吳王詐

病不朝就賜几杖羣臣如袁盎等稱說雖切

常假借用之蘇林曰假音休假借音以物借人群臣如張武

等受賂遺金錢覺上乃發御府金錢賜之以

愧其心弗下吏專務以德化民是以海內殷

富興於禮義後七年六月己亥帝崩於未央

官徐廣曰年四十七遺詔曰朕聞蓋天下萬物之萌

漢書卷一百一十五
三師位臣位二十三年
二十六世

生靡不有死死者天地之理物之自然者奚
可甚哀當今之時世咸嘉生而惡死厚葬以
破業重服以傷生吾甚不取且朕既不德無
以佐百姓今崩又使重服久臨以離寒暑之
數哀人之父子傷長幼之志損其飲食絕鬼
神之祭祀以重吾不德也謂天下何朕獲保
宗廟以眇眇之身託于天下君王之上二十
有餘年矣賴天地之靈社稷之福方內安寧

贊曰方四方也內中也猶云中外也靡有兵革徐廣曰一云方內安兵革息

朕既不敏常畏過行以羞先帝之遺德維年
之久長懼于不終今乃幸以天年得復供養

于高廟朕之不明與嘉之如傳曰與發聲也

其奚哀悲之有其今天下吏民令到出臨三

日皆釋服毋禁取婦嫁女祠祀飲酒食肉者

自當給喪事服臨者皆無踐服皮曰踐剪也

康曰踐跣也晉灼曰漢語作跣跣徒跣也經帶

也○索隱曰漢語是書名荀爽所作也

無過三寸毋布車及兵器應劭曰無以布衣

輕車介毋發人男女哭臨宮殿宮殿中當臨

者皆以旦夕各十五舉聲禮畢罷非旦夕臨

時禁毋得擅哭已下服大紅十五日小紅十

四日織七日釋服服度曰當言大功小功布

者中祥大祥以紅為領綠也織者禫也凡三

十六日而釋服○索隱曰已下謂柩已下於

壙劉德云紅功也男功非一故以工力為字

而以日易佗不在令中者皆以此令比率從事音類

布告天下使明知朕意霸陵山川因其故應

日因山為藏不復起墳山下川流不遏也

就其水名以為陵號○索隱曰霸是水名水

徑於山亦曰霸山即芷陽地也毋有所改歸夫人以下至少

使應劭曰夫人以下有美人良人八子七子

長使少使凡七輩皆遣歸家重絕人類也

令中尉亞夫為車騎將軍屬國悍徐廣曰姓

書百官表典屬國為將也將軍李奇曰馮奉

祭官掌蠻夷降者以將屯將軍為名郎中令武為復土將軍如

復反還也。又音福。發近縣見率萬六千人。發內史率

萬五千人。索隱曰百官表云內史掌理京師之官景帝更名京兆尹藏郭

穿復土屬將軍武乙已。漢書云乙已葬阜甫謚曰霸陵去長安七

十里羣臣皆頓首上尊號曰孝文皇帝太子即

位于高廟丁未襲號曰皇帝孝景皇帝元年

十月制詔御史蓋聞古者祖有功而宗有德

應劭曰始取天下者為祖高帝稱高祖是也始治天下者為宗文帝稱太宗是也制

禮樂各有由聞歌者所以發德也舞者所以

明功也高廟酎。張晏曰正月且作酒八月成名曰酎酎之言純也至武帝

時因八月嘗酎會諸侯廟中出金助祭所謂酎金也奏武德文始五行

之舞。孟康曰武德高祖所作也文始舞也五行周舞也武德者其舞人執干戚文

始舞執羽籥五行舞冠冕服法五行色見禮樂志○索隱曰應劭云禮樂志文始舞本舜

韶舞高祖更名文始示不相襲五行舞本周武舞秦始皇更名五行舞按今言秦武德文

始五行之舞者其樂惣象武王樂言高祖以武定天下既示不相襲其作樂之始先奏文

始以羽籥衣文繡居先次即奏五行五孝惠行即武舞執干戚而衣有五行之色也

廟酎奏文始五行之舞孝文皇帝臨天下通

奏
一平版上有表

關梁不異遠方張晏曰孝文十二年除除誹

謗去肉刑賞賜長老收恤孤獨以育羣生減

嗜欲不受獻徐廣曰減一作減不私其利也罪久不

祭蘇林曰刑不及妻子不誅無罪除肉刑出義人重絕

人之世朕既不敏不能識此皆上古之所不

及而孝文皇帝親行之德厚侔天地李奇曰

利澤施四海靡不獲福焉明象乎日月而廟

樂不稱朕甚懼焉其為孝文皇帝廟為昭德

之舞文穎曰景帝采高祖武德舞作昭德舞以明

休德然後祖宗之功德著於竹帛施於萬世

永永無窮朕甚嘉之其與丞相列侯中二千

石禮官具為禮儀奏丞相臣嘉等言陛下永

思孝道立昭德之舞以明孝文皇帝之盛德

皆臣嘉等愚所不及臣謹議世功莫大於高

皇帝德莫盛於孝文皇帝高皇帝廟宜為帝者

太祖之廟孝文皇帝廟宜為帝者太宗之廟

天子宜世世獻祖宗之廟郡國諸侯宜各為
孝文皇帝立太宗之廟諸侯王列侯使者侍
祠天子歲獻祖宗之廟張晏曰王及列侯歲
時遣使詣京師侍祠
助祭也如淳曰若光武廟在章陵南陽太守
稱使者往祭是也不使使王祭者諸侯不得
祖天子也凡臨祭請著之竹帛宣布天下制
祀宗廟皆為侍祭

曰可

太史公曰孔子言必世然後仁孔安國曰三
十年曰世如
有命王者必三善人之治國百年亦可以
十年仁政乃成

勝殘去殺王肅曰勝殘暴之人使
不為惡去殺不用殺也誠哉是言

漢興至孝文四十有餘載德至盛也廩廩鄉

改正服封禪矣謙讓未成於今嗚呼豈不仁

哉

索隱述贊曰

孝文在代 兆遇大橫 宋昌建策

絳侯奉迎 南面而讓 天下歸誠

務農先籍 布德偃兵 除帑削謗

政簡刑清 紉衣率俗 露臺不營

法寬張武 獄恤緹繫 霸陵如故

千年頌聲

孝文本紀第十 漢書音義曰 諱啓 ○正義 孝文

史記十一

孝景本紀第十一 漢書音義曰 諱啓 ○正義 孝文

之中子也 母竇太后 孝文在代時 前后有三

男及竇太后得幸 前后死 及三子更死 故孝

景得立

元年四月乙卯 赦天下 乙巳 賜民爵一級 五

月 除田半租 為孝文立太宗廟 令羣臣無朝

賀匈奴 入代 與約和親

注漢上有駟按

二年春封故相國蕭何孫係為武陵侯徐廣曰漢

書臣亦作係鄂誕生本作係音奚又案漢書功臣表及蕭何傳皆云孫嘉疑其人有二名○

索隱曰音附荀悅云男子二十而得傳索隱曰音附荀悅云

法二十三而傳今改也四月壬午孝文太后崩索隱曰薄后也

葬芒陽西廣川長沙王皆之國索隱曰廣川曰少陵也

王發皆景帝丞相申屠嘉卒八月呂御史大

夫開封侯陶青為丞相彗星出東北秋衡山

雨雹正義曰雨于付反大者五寸深者二尺熒惑逆

行守北辰月出北辰間歲星逆行天廷中置

南陵及內史殺翊為縣徐廣曰地理志云文帝七年置翊案地理

志百官表南陵縣文帝置也分內史為左右及殺翊為縣皆景帝二年不得皆如徐列云

○索隱曰鄉誕生殺音都會反又音丁話反翊音羽又音詡

三年正月乙巳赦天下長星出西方天火徐廣

曰漢無燔雒陽東宮大殿城室徐廣曰雒一作淮○索隱曰漢

書作淮陽王宮災吳王濞正義曰音披備反故徙王於魯也

高祖十三年封三十三年反楚王戊正義曰年表云都吳其實在江都也

楚王交孫嗣二趙王遂正義曰高祖孫幽王
 十一年都彭越正義曰高祖孫幽王
 都邯膠西王卬正義曰卬五卬反高祖孫齊
 年反都密濟南王辟光正義曰辟音壁高祖
 州高密縣孫齊悼惠王子故初
 侯立十一年反括地志云濟南故
 城在淄州長山縣西北三十里
 正義曰高祖孫濟悼惠王子故武城侯立十
 一年反都劇括地志云淄川縣也故劇城在
 青州壽光縣南三
 十一里故紀國
 膠東王雄渠正義曰高祖
 子故自石侯五十一
 年反都即墨括地志云
 即墨故城在密州膠水縣東南六十里即膠
 東國
 反殺兵西鄉天子為誅晁錯遣袁盎論
 也

告不止遂西圍梁正義曰梁孝王上乃遣大

將軍竇嬰太尉周亞夫將兵誅之六月乙亥

赦亡軍及楚元王子燕等正義曰燕魚曳反

與謀反者封大將軍竇嬰為魏其侯正義曰

云魏其立楚元王子平陸侯正義曰應劭云

屬琅耶立楚元王子平陸侯正義曰應劭云

劉禮為楚王索隱曰韋昭云平陸西河縣立

皇子端為膠西王子勝為中山王徙濟北王

志正義曰濟子禮反濟北國今為菑川王淮

陽王餘正義曰淮陽國今陳州為魯王正義曰今兗州曲阜縣汝

南王非正義曰汝南國今豫州為江都王正義曰江都國今揚州也

具王濞所都反誅景帝改齊王將廬正義曰齊國青州臨淄也將廬齊悼惠王之孫襄王之子年表云

燕王嘉皆薨徐廣曰表

云五年薨○索隱曰廬悼惠王孫齊王襄之子漢書作閭嘉劉澤之子也

四年夏立太子立皇子徹為膠東王六月甲

戌赦天下後九月更以弋陽為陽陵正義曰括地志

云漢景帝陵也在雍州咸陽復置津關用傳

出入應劭曰文帝十二年除關無用傳至此

傳信也若今適所也如淳曰傳音徹傳而傳

謂之傳○索隱反冬以趙國為邯鄲郡地理志

邯鄲郡趙國景

五年三月作陽陵索隱曰景帝豫作壽陵也

起壽陵後渭橋五月募徙陽陵予錢二十萬代因之也

江都大暴風從西方來壞城十二文丁卯封

長公主子蟠為隆慮侯索隱曰音林間徙廣

川王為趙王

六年春封中尉趙綰為建陵侯正義曰括地志云建陵故

縣在沂州江都丞相嘉徐廣曰為建平侯隴

西太守渾邪為平曲侯正義曰括地志云平曲縣故城在瀛州文

安縣北趙丞相嘉徐廣曰為江陵侯故將軍

布為郿侯梁楚二王皆薨後九月伐馳道樹

殖蘭池徐廣曰殖一作填○正義曰按

七年冬廢栗太子為臨江王正義曰臨江志

榮施按正義注天子下恐脫所之道也四字

而都 十二月晦日有食之春免徒隸作陽陵

者丞相青免二月乙巳以太尉條侯正義曰

反字亦作周亞夫為丞相四月乙巳立膠東

王太后為皇后索隱曰按系家太后槐里人

妻女弟丁巳立膠東王為太子名徹李先

中元年封故御史大夫周苛孫平徐廣曰一

隱曰苛周為繩侯故御史大夫周昌子左車

為安陽侯四月乙巳赦天下賜爵一級除禁

勝衛按徐廣至之元注當移為繩侯下

錮地動衡山原都雨雹大者尺八寸

中二年二月匈奴入燕遂不和親三月名臨

江王來即死中尉府中夏立皇子越為廣川

王子寄為膠東王封四侯文穎曰楚相張尚大傳趙夷吾趙相

建德內史王悍此四人各諫其王無使反不聽皆殺之故封其子○索隱曰韋昭云張尚

子當居趙夷吾子周九月甲戌日食建德子橫王悍子棄

中三年冬罷諸侯御史中丞春匈奴王二人

率其徒來降皆封為列侯正義曰漢書表云中三年安陵侯子

侯

軍桓侯賜道侯陸疆容城侯徐慮易侯僕日范陽范代翕侯邯鄲七人以匈奴王降皆封

為列侯按紀言二人者是匈奴二王為首降立皇子方乘為清河

王三月彗星出西北丞相周亞夫死以御史

大夫挑侯劉舍為丞相四月地動九月戊戌

晦日食軍東都門外按三輔黃圖東出北第一門曰宣平門外曰東

都門○索隱註同

中四年三月置德陽宮瓚曰是景帝廟也帝

言宮兩京故事云大蝗秋赦徒作陽陵者景帝廟為德陽宮

之一本作文

中五年夏立皇子舜為常山王封十侯正義曰惠

景間年表云亞王侯盧他之龍盧侯陳留矯

乘氏侯劉買相邑侯劉明蓋侯王信按其五

人是中元五年封餘檢不獲中元三年匈奴

王二人降封為列侯惠景間表云匈奴王降

為侯者有七人疑其六月丁巳赦天下賜爵

一級天下大潦更命諸侯丞相曰相秋地動

中六年二月己卯行幸雍郊見五帝三月雨

雹四月梁孝王正義曰都睢城陽共王正義

陽今僕州雷澤縣古城陽也汝南王皆薨立

梁孝王子明為濟川王正義曰表云子彭離

為濟東王正義曰表云子定為山陽王正義

別志云景帝中六年子不識為濟陰王正義

理志云景帝中六年梁分為五封四

侯更命廷尉為大理將作少府為將作大匠

主爵中尉為都尉漢書百官表曰主爵長信

詹事漢書百官表曰詹事秦官掌皇后太子

事秩二千石為長信少府張晏曰以太后所居宮

少府長樂宮則將行為大長秋漢書百官表曰長樂少府

應劭曰長秋皇后卿大行為行人服虔曰天子死未有謚稱大行晉灼曰禮

有大行小行主謚官故以此名之如尊曰不反之辭也瓚曰大行是官名掌九儀之制以

賓諸侯○索隱曰鄭玄云命者五謂公侯伯子男爵者四孤卿大夫士是九也奉常

為太常漢書百官表曰奉常秦官掌宗廟禮儀典客為大行索隱

曰津昭云大行官名秦時云典客景帝初改云大行後更名大鴻臚武帝因而不改故漢

書景紀有大鴻臚百官表又云武帝改名大鴻臚臚附也以言其掌四夷賓客若皮臚之

在外附於身也復有大行令故諸侯薨大鴻臚奏謚列侯薨則大行奏謚按大行令即鴻

臚之屬治粟內史為大農漢書百官表曰治粟內史秦官掌穀

也貨以大內為二千石韋昭曰大內京師府藏置左右內

官屬大內索隱曰主天子之私財日七月辛

亥日食八月匈奴入上郡

後元年冬更命中大夫為衛尉正義曰漢書百官表云衛

尉秦官掌宮園門衛屯兵景帝初更名中大夫分後元年復為衛尉三月丁酉

赦天下賜爵一級中二千石諸侯相爵右庶

長四月大酺五月丙戌徐廣曰丙一作甲也地動其蚤

食時復動上庸地動二十二日壞城垣七月

乙巳日食丞相劉舍免八月壬辰以御史太

夫縮為丞相封為建陵侯索隱曰

後二年正月地一日三動正義曰將軍真栗反邪

都傳云匈奴列木擊匈奴五日令內史郡

不得食馬粟沒入縣官令徒隸衣七縵布正義

曰衣於既反縵相工反縵八十縵也止馬春

索隱曰止人為馬為歲不登禁天下食不造

歲省列侯遣之國晉灼曰文紀遺列三月匈奴

奴入鴈門十月租長陵田大旱衡山國河東

雲中郡正義曰衡山國今衡州何民疫疾字

後三年十月日月皆食赤五日十二月晦雷

徐廣曰一作雷字又日如紫五星逆行守太

微月貫天庭中索隱曰天庭即龍星右角也

天田右角正月甲寅皇太子冠甲子孝景皇

帝崩皇甫謐曰帝以孝惠遺詔賜諸侯王以

下至民為父後爵一級天下戶百錢出官人
歸其家復無所與太子即位是為孝武皇帝

漢書云二月癸酉帝葬陽陵皇甫謐曰陽陵
山方百二十步高十四丈去長安四十五里

三月封皇太后弟蚡蘇林曰蚡音飴○索隱

世家皇太后母兒初臧嬪王氏生子
信而寡更嫁長陵田氏生蚡及勝為武安

侯弟勝為周陽侯置陽陵

太史公曰漢興孝文施大德天下懷安至孝

景不復憂異姓而晁錯刻削諸侯遂使七國

俱起合從而西鄉以諸侯大盛而錯為之不
以漸也及主父偃言之而諸侯以弱卒以安
索隱曰主父偃上言令天子下推恩之令令
諸侯各得分邑其子弟於是遂弱卒以安也
安危之機豈不以謀哉

索隱述贊曰

景帝即位一作修因脩靜默勉人於農

率下以德制度斯創禮法可則

一朝吳楚乍起凶慝提局成豐

拒輪致惑

晁錯雖誅

梁城未克

條侯出將

追奔逐北

坐見島刺

立翦牟賊

如何太尉

後率下獄

惜哉明君

斯功不錄

孝景本紀第十一

史記十一

孝武本紀第十二

史記十二

太史公自序

曰作今上本紀又其述

者悉後人所定也

張晏曰武紀褚先生

褚先生

褚先生名少孫漢博士也

其才之薄也

又張晏云褚先生穎川

孫梁相褚大弟之孫

宣帝時為博士

寓居于沛事大儒王式

故號為先生

孝武皇帝者

漢書音義曰諱徹○正義孝景

史記卷五十二

中子也索隱曰按景十三王傳廣川王以上皆是武帝兄自河間王德以至廣川

凡有八人則帝第九也母曰王太后孝景四年以皇子

為膠東王孝景七年栗太子廢為臨江王以

膠東王為太子孝景十六年崩太子即位為

孝武皇帝張晏曰武帝以景帝元年生七歲為太子為太子十歲而景帝崩時

年十有六年矣孝武皇帝初即位尤敬鬼神之祀元

年漢興已六十餘歲矣徐廣曰六十七年歲在辛丑天下

又安薦紳之屬索隱曰薦音播播擬也言擬笏於紳帶之間事出禮內則

正義曰又音魚廢及

今作薦者古字假借耳漢書作縉紳臣瓚云縉赤白色非也皆望天子封

禪改正度也而上鄉儒術招賢良趙綰王臧

等以文學為公卿欲議古立明堂城南以朝

諸侯索隱曰城南長安城南門外也關中諸侯記云明堂在長安城門外杜門之西草

巡狩封禪改歷服色事未就會竇太后治黃

老言不好儒術使人微得趙綰等姦利事徐

曰纖微之各案綰臧自殺正義曰漢書孝武二年御史太

夫趙綰坐請無奏事太皇太后及郎中令王臧皆下獄自殺應劭曰王臧儒者欲立明堂

辟雍太后素好黃老術非薄王經因欲絕下秦事太后太后怒故令殺諸所興為

者皆廢後六年竇太后崩其明年上徵文學之士公孫弘等明年上初至雍郊見五時正義

日時音止括地志云漢五帝時在岐州雍縣南孟康云時者神靈之所止按五時者先是

文公作鄜時祭白帝秦宣公作密時祭青帝秦靈公作吳陽上時下時祭赤帝黃帝漢高

祖作北時祭黑帝是五時也後常三歲一郊是時上求神

君正義曰漢武帝故事云起柏梁臺以處神君君長陵女子也先是嫁為人妻生一男數

歲死女子悼慟之歲中亦死而靈宛若祠之遂聞言宛若為生氏人多往請福說家人小

事有驗平原君亦事之至後子孫尊貴及上即位太后延於宮中祭之聞其言不見其人

至是神君求出乃營柏梁臺舍之初霍去病微時自禱神君及見其形自修飾欲與去病

交接去病不肯謂神君曰吾以神君精潔故齋戒祈福今欲淫此非也自絕不復往神君

慙之乃舍之上林中躡氏觀徐廣曰躡音蹄去也索隱曰鄒誕

生音斯又音蹄觀名也神君者長陵女子以子死悲哀故見神於先後宛若孟康曰產乳而死兄弟

隱曰鄒誕生音先後並去聲即今妯娌也孟康以兄弟妻相謂也韋昭云先妣後娣宛若音

寬宛若祠之其室民多往祠平原君往祠徐廣

寬

寬

寬

寬

曰武帝外祖母也。明按茶葉曰：異姓婦人以恩澤封者曰君儀比長公主。○索隱曰：徐云武帝外祖母也。其後子孫以尊顯。又武帝即位則厚禮置祠之內中。聞其言不見其人云。是時而李少君亦以祠竈穀道。邵老方見上。日食穀導引。或曰辟穀不食之道。○索隱曰：如淳云：祠竈可以致福。按禮竈者老婦之祭。盛於盆尊於瓶。說文：周禮以竈祠祀。滌南子：炎帝作次官死為今之竈神。司馬彪註：莊子云：浩竈神也。如美女衣赤李弘範云：音浩。上尊之少君者故深澤侯。徐廣曰：姓趙入以主方。徐廣曰：進納於天子而主方。

云侯人主方。明案如淳曰：侯家人主方藥者也。匿其年及所生長常

自謂七十能使物。邵老。如淳曰：物鬼物也。其

游以方徧諸侯無妻子。人聞其能使物及不

死更饋遺之常餘金錢帛衣食。人皆以為不

治產業而饒給。又不知其何所人。愈信爭事

之少君資好方善為巧。發竒中。如淳曰：時時

也。嘗從武安侯飲。索隱曰：服虔云：田蚡也。坐

中有年九十餘。老人少君乃言與其大父游

射處老人為兒時從其大父行識其處一坐
盡驚少君見上上有故銅器問少君少君曰
此器齊桓公十年陳於栢寢服虔曰地名有
書栢寢臺名也○正義曰括地志云栢寢臺
在青州千乘縣東北二十一里韓子云景公
與晏子遊於少海登栢寢之臺而望其國公
曰美哉堂乎後代孰將有此晏子云其田氏
乎公曰寡人有國而田氏家奈何對曰奪之
則近賢遠不肖洽其煩亂輕其刑罰服窮之
恤孤寡行恩惠崇節儉雖已而按其刻果齊
桓公器一宮盡駭以少君為神數百歲人也

少君言於上曰祠竈則致物致物而丹砂可
化為黃金黃金成以為飲食器則益壽益壽
而海中蓬萊仙者可見見之以封禪則不死
黃帝是也臣嘗游海上見安期生索隱曰服
真人○正義曰列仙傳云安期生瑯琊阜鄉
亭人也賣藥海邊秦始皇請語三夜賜金數
千萬出於阜鄉亭皆置去留書以赤玉寫
一重為報曰後千歲求我於蓬萊山下食
巨棗大如瓜安期生僊者通蓬萊中合則見
人不合則隱於是天子始親祠竈而遣方士

入海上求蓬萊安期生之屬而事化丹砂諸

藥齊為黃金矣索隱曰齊音分齊之劑居久之李少君

病死正義曰漢書起居云李少君將去武帝

數月而少君病死又發棺看唯衣冠在也

天子以為化去不死也而使黃錘韋昭曰人

音直史寬舒受其方漢書音義曰二人皆方

術求蓬萊安期生莫能得而海上燕齊怪迂

之方士多相效更言神事矣亳人薄誘忌徐廣

曰一云亳人謬忌也○索隱曰亳山陽縣名

姓謬名忌居亳故下稱薄忌此文則衍薄字

而謬又誤奏祠泰一方曰天神貴者泰一索隱

曰按樂汗微圖云紫微宮北極天一太一宋

均以為天一太一北極之別名春秋緯云紫

極之別名又云紫宮天泰一佐曰五帝正義

皇曜魄寶之所理也帝五天帝也國語云蒼帝靈威仰赤帝赤熛

怒白帝白招矩黑帝叶光紀黃帝含樞紐黃

書帝命驗云蒼帝名靈威仰赤帝名文祖黃
帝名神汗白帝名顯紀黑帝名玄矩佐者謂
配祭也古者天子以春秋祭泰一東南郊用太
牢具七日徐廣曰一云日為壇開八通之鬼

道於是天子令大祝立其祠長安東南郊常
奉祠如忌方其後人有上書言古者天子三
年一用太牢具祠神三一天一地一泰一天
子許之令太祝領祠之忌泰一壇上如其方
後人復有上書言古者天子常以春秋解祠
祠黃帝用一梟破鏡孟康曰梟鳥名食母破
鏡獸名食父黃帝欲絕
其類使百物祠皆用之破鏡如經而虎眼或
云直用破鏡如傳曰漢使東郡送梟五月五
日為梟羹以賜百官以惡鳥故食之冥羊用羊祠服虔曰
神名也馬行

正義曰用一青牡馬泰一臯山山君地長正義
神名也日丁丈反用牛武夷君正義曰用乾魚陰陽
三並神名使者以一牛漢書音義曰令祠官領之如其
方而祠於忌泰一壇旁其後天子苑有白鹿
以其皮為幣索隱曰按食貨志幣以白鹿皮
方尺緣以纁以薦璧得以黃金
一介代之又漢律皮幣以一介瑞應造白金焉
率鹿皮方尺直金一斤正義曰白金三品武帝所鑄也如淳曰雜鑄
銀錫為白金也平準書云造銀錫為白金以
為天用莫如龍地用莫如馬人用莫如龜故
曰白金三品其一曰重八兩圓之其文龍名

曰白選直三千二日重差小方之其文馬直
五百三日復小隨之其文龜直三百錢譜云
白金第一其形圓如錢肉好圓文為一龍白
銀第二其形方小長肉好亦小長好上下文
為二馬白銀第三其形似龜肉好小是文為龜甲也其明年郊雍獲一
角獸若麋然車即曰楚人謂麋為麋○索隱
而一角春秋所謂有麋而角是也楚人謂麋
為麋又周書王會云麋者若鹿爾雅云麋大
鹿也牛尾一角郭璞云漢武獲一角獸若麋謂之麟也有司曰陛下肅
祗郊祀上帝報享錫一角獸蓋麟云正義曰
軍傳云從上雍獲白麟一角戴肉設武備而不為害所以為仁於是薦五

時時加一牛以燎正義曰力賜諸侯白金以

風符應合于天地晉灼曰符瑞也璣曰風於

是濟北王以為天子且封禪乃上書獻泰山

及其旁邑天子受之更以他縣償之常山王

有臯遷天子封其弟於真定以續先王祀而

以常山為郡然後五嶽皆在天子之郡其明

年齊人少翁正義曰漢武故事云少翁以鬼神

方見上上有所幸王夫人徐廣曰齊懷王閔

新論云武帝有所愛幸蘇林曰王夫人竊寵好夫容質性嫺倭○正義曰漢書作李夫人

人幸少翁以方術蓋夜致王夫人及竈鬼之

貌云天子自帷中望見焉於是乃拜少翁為

文成將軍賞賜甚多以客禮待之少翁曰上

即欲與神通宮室被服不象神神物不至乃

作畫雲氣車及各以勝日漢書音義曰如大

不用駕車辟惡鬼又作甘泉宮中為臺室畫

天地泰一諸神而置祭具以致天神居歲餘

其方益衰神不至乃為帛書以飯牛正義曰

反書縮帛上為飯房晚佯弗知也言此牛腹中有奇

殺而視之得書書言甚怪天子疑之有識其

子書問之人果為書於是誅文成將軍正義曰

武故事云文成誅月餘日使者籍貨關東還

逢之於漕亭還見言之上乃疑發其棺無所

見唯有竹筒一枚而隱之其後則又作栢梁

銅柱承露仙人掌之屬矣蘇林曰仙人以手

○索隱曰服虔云用梁栢頭按今字皆作栢

三輔故事云臺高二十丈用香栢為殿梁香

為一仙傳

聞十里中，建章宮承露盤高三十丈，文七圍，以銅爲之，上有仙人掌承露，和玉屑飲之，故張衡賦曰：立脩莖之仙，文成死，明年天子病，掌承雲表之清露，是也。

鼎湖甚 晉灼曰：在湖縣，韋昭曰：地名，近宜春。○索隱曰：湖縣名，屬京兆，後屬弘農。

昔黃帝採首陽山銅鑄鼎於湖，曰鼎湖，即今之湖城縣也。韋昭以爲近宜春，亦甚踈。

醫無所不致，至不愈，游水發根。服虔曰：游水名，發根名，蓋或因

名，姓晉灼曰：地理志游水水名，在臨淮浦也。○索隱曰：顯師古以游水姓發根名，蓋或因

水爲姓，或曰：乃言曰：上郡有巫病而鬼下之，發樹根也。

上名置祠之甘泉，及病使人問神君，韋昭曰：即病巫

之神君言曰：天子毋憂，病少愈，強與我會。

甘泉於是病愈，遂幸甘泉，病良已。孟康曰：良已，蓋已愈也。

大赦天下，置壽宮神君。服虔曰：立此便宮也。瓚曰：宮奉神之

宮也。楚辭曰：蹇將濟兮壽宮。神君最貴者，大夫其佐曰太

禁，司命之屬皆從之，非可得見，聞其音與人

言等時去時來，來則風肅然也，居室帷中時

晝言然，常以夜，天子校然後入。漢書音義曰：崇絜自校除

然後因巫爲主人，關飲食所欲者，言行下。李奇

然

日神所欲言又置壽宮北宮正義曰括地志云壽宮北宮皆

在雍州長安縣西北三十里長安故城中漢書云武帝壽宮以處神君張羽旗

設供具以禮神君神君所言上使人受書其

言命之曰書法漢書音義曰或云策書之法也正義曰書音獲按畫一

法其所語世俗之所知也毋絕殊者而天子

獨喜其事秘世莫知也其後三年有司言元

宜以天瑞命不宜以一二數蘇林曰得黃龍鳳皇諸瑞以名

年正義曰孝景以前即位以一二數年其終武帝即位初有年號改元以建元為始

一元曰建元二元以長星曰元光三元以郊

得一角獸曰元狩云徐廣曰案諸紀元光後有元朔元朔後得元狩

其明年冬天子郊雍議曰今上帝朕親郊而

后土母祀則禮不答也有司與太史公韋昭

者以談為太史公失之矣史記稱遷為太史公者是外孫楊惲所稱○索隱曰姚察按司

馬遷傳亦以談為太史公非惲所加又按虞喜志林云古者主天官皆上公自周至漢其

職轉甲然朝會坐位猶居公公上尊天之道其官屬仍以舊名尊而稱公公名當起於此故

如淳云太史公位在丞相上天下郡國計書先上太史公副上丞相其義是也而桓譚新

論以為太史公造書書成示東方朔明為平
定因署其下太史公者皆東方朔所加之也
揚揮繼此祠官寬舒等議天地牲角繭栗今
而稱耳

陛下親祀后土后土宜於澤中圜丘為五壇

壇一黃犢大牢具已祠盡瘞而從祠衣上黃

於是天子遂東始立后土祠汾陰睢上徐廣曰元

鼎四年時也睢音誰如淳曰河
之東岸特堆壠長四五里廣二里餘高十餘

丈汾陰縣在睢之上后土祠在縣西汾在睢
之北西流與和合也○索隱曰漢書舊儀作

葵上者蓋河東人如寬舒等議上親望拜如
呼誰與葵同故耳

上帝禮禮畢天子遂至滎陽而還過雒陽下

詔曰三代邈絕遠矣難存其以三十里地封

周後為周子南君以奉先王祀焉是歲天子

始巡郡縣侵尋於泰山矣索隱曰侵尋即浸

往之意也小顏云浸淫漸染之義蓋尋淫聲

相近假借用耳師古叔父游秦亦解漢書故

稱帥古為其春樂成侯徐廣曰姓丁名義後

言藥大藥大膠東宮人服虔曰故嘗與文成

將軍同師已而為膠東王尚方而樂成侯姊
為康王后孟康曰膠東王后也毋子康王死他姬子立
為王而康后有淫行與王不相中得相危以
法康后聞文成已死而欲自媚於上乃遣藥
大因樂成侯求見言方天子既誅文成後悔
恨其早死惜其方不盡及見藥大大說大為
人長羨言多方略而敢為大言處之不疑大
言曰臣嘗往來海中見安期羨門之屬索隱曰

應劭云羨門古仙人顧以為臣賤不信臣又以

為康王諸侯耳不足予方臣數言康王康王

又不用臣臣之師曰黃金可成而河決可塞

不死之藥可得僊人可致也臣恐效文成則

方士皆掩口惡敢言方哉上曰文成食馬肝

死耳子誠能脩其方我何愛乎太曰臣師非

有求人者求之陛下必欲致之則貴其使

者今有親屬以客禮待之勿卑使各佩其信

印乃可使通言於神人神人尚肯邪不邪致

尊其使然後可致也於是上使先驗小方闕

旗旗正義曰音其文本或作甚說文甚博甚

之以和磁石用塗棊頭曝乾自相觸擊是時

上方憂河決而黃金不就正義曰鍊丹砂金

乃拜大為五利將軍居月餘得四金印佩天

士將軍地士將軍大通將軍天道將軍印制

詔御史昔禹疏九江決四瀆間者河溢臯陸

隄繇不息正義曰頰師古云臯水旁地也廣

築作堤防徭役朕臨天下二十有八年天若

遺朕士而大通焉韋昭曰言藥大能通天意

在臨淮乾稱蜚龍鴻漸于般漢書音義曰般

也武帝云得藥大如鴻進於般意庶幾與焉

其以二千戶封地士將軍大為樂通侯韋昭

通臨淮賜列侯甲第漢書音義曰有甲僮千

人乘輿斥車馬漢書音義曰或云斥不用也

漸六二鴻漸于般

孟康云作不用帷帳器物以充其家又以衛

長公主妻之孟康曰衛太子妹如淳曰衛太

主儀比諸侯姊妹曰長公主儀比諸侯齊金

萬斤更名其邑曰當利公主地理志云東天

子親如五利之第使者存問所給相與連屬於道

自大主徐廣曰武帝姑凡駟按將相以下皆

置酒其家獻遺之於是天子又刻玉印曰天

道將軍使使衣羽衣夜立白茅上五利將軍

亦衣羽衣立白茅上受印以示弗臣也而佩

天道者且為天子道天神也於是五利常夜

祠其家欲以下神神未至而百鬼集矣然頗

能使之其後治裝行東入海求其師云大見

數月佩六印貴振天下而海上燕齊之間莫

不手搯服虔曰滿手曰搯而自言有禁方能

神僊矣其夏六月中汾陰巫錦應劭曰錦巫名為民

祠魏睢后土營旁應劭曰魏故魏國見地如

鈎狀掎視得鼎索隱曰說文掎抱也步交反鼎大異於衆

鼎文鏤無款識索隱曰款刻也怪之言吏

吏告河東太守勝勝以聞天子使使驗問巫

錦得鼎無姦詐乃以禮祠迎鼎至甘泉從行

上薦之如淳曰以鼎從行上至中山徐廣曰

鑿涇水自中山山西○索隱曰此山在馮翊谷口縣西近九變山土人呼為中山河渠書韓

使水工鄭國說秦鑿涇水自中山山西即此山也晏温如淳曰三輔謂

晏而温也○索隱曰許慎註淮南云晏無雲也有黃雲蓋焉有麀過

上自射之因以祭云至長安徐廣曰上言從行薦之或曰祭

鼎乎公卿大夫皆議請尊寶鼎天子曰間者河

溢歲數不登故巡祭后土祈為百姓育穀今

年豐庶未有報鼎曷為出哉有司皆曰聞昔

太帝興神鼎一索隱曰師古以太帝即太昊伏犧氏以文在黃帝之前故

也一者一統天地萬物所繫終也黃帝作寶

鼎三象天地人也禹收九牧之金鑄九鼎皆

嘗勗烹徐廣曰烹煮也勗音觴皆嘗以烹牲牢而祭祀也○索隱曰言鼎以烹牲

絲衣釋廣戶也邦云
釋又祭也天子諸侯曰釋
以祭之明日

而饗嘗也。賜字又作賜。音賜。漢書郊祀志云：鼎空足曰鬲，以象三德。鬲音歷，謂足中不實者，名上帝鬼神。帝或曰嘗，烹酌也。遭聖則興之也。上帝鬼神，帝或曰嘗，烹酌也。遭聖則興正義曰：遭，逢也。鼎雖淪泗水，逢遷于夏商周，聖興起，故出汾陰西至甘泉也。遷于夏商周，德衰宋之社亡。正義曰：社，主氏也。社以石為紂，乃立亳社，以為監戒。覆上枝下，使通天地陰陽之氣。周禮：衰國將危，民故求之。社為亡也。殷復鼎乃淪伏而不見。頌云：自堂徂基。正義曰：此以下至胡考之休，是周頌絲衣之詩。自堂從內往外，基門內塾也。鄭玄云：門側之堂謂之塾。釋禮：輕使下土升堂，視壺濯及邊豆之屬，降往於塾。自羊徂牛，充包乃舉鼎，告索禮之次也。

不虞不驚，絲衣不虞不驚，毛云考成也。鄭云得書考之休後。

也。自羊徂牛。正義曰：自堂往塾，先視羊後鼎。鼎及燕。謂之燕，爾雅云：鼎，絕大。不虞不驚，胡考之休。索隱曰：毛詩傳云：吳，詳也。姚氏按：何故假借也。或者本文借此虞為吳，音洪霸反。說文以吳一口大言也。此作虞者，與吳聲相近。今故假借也。或者本文借此虞為驢，娛字也。今鼎至甘泉，光潤龍變，承休無疆。合茲中山，有黃白雲降。見黃雲之氣，合也。蓋若獸為符。日雲若獸，在車蓋也。晉灼曰：路弓乘矢，大也。四集獲壇下，報祠大饗。徐廣曰：一云惟矢為乘。集獲壇下，報祠大饗。大報享祠也。惟

受命而帝者心知其意服虔曰高祖受命知之也宜見鼎於其廟

而合德焉鼎宜見於祖禰藏於帝廷以合明

應制曰可入海求蓬萊者正義曰蓬萊方丈瀛洲勃海中三神山

也言蓬萊不遠而不能至者殆不見其氣上

乃遣望氣佐候其氣云其袂上幸雍且郊索隱

曰以雍地形高故云上或曰五帝泰一之佐也宜立泰

一而上親郊之上疑未定齊人公孫卿曰今

年得寶鼎其冬辛巳朔旦冬至與黃帝時筭

卿有札書曰黃帝得寶鼎宛侯問於鬼史區

漢書音義曰區黃帝時人○索隱曰鄭玄云黃帝佐也李奇曰黃帝時諸侯本作申區者

非藝文志作區區對曰黃帝得寶鼎神筮是歲

已酉朔旦冬至得天之紀終而復始於是黃

帝迎日推筮後率二十歲正義曰率音律又音並通後音於此也得朔旦冬至凡二十推三百八十

年黃帝僊登于天卿因所忠欲奏之而忠視

其書不經疑其妄書謝曰寶鼎事已決矣尚

其書不經疑其妄書謝曰寶鼎事已決矣尚

何以為卿因嬖人奏之上大說名問卿對曰

受此書申功封禪書功字作公申功已死上曰申功

何人也卿曰申功齊人也與安期生通受黃

帝言無書獨有此鼎書曰漢興復當黃帝之

時漢之聖者在高祖之孫且曾孫也寶鼎出

而與神通封禪封禪七十二王正義曰何圖云王者封太

山禪梁父易姓登崇有七十七君也唯黃帝得上泰山封申功

曰漢王亦當上封上封則能僊登天矣黃帝

時萬諸侯而神靈之封居七千應劭曰黃帝特諸侯會封

禪者七千人李奇曰說仙道得封者七千國張晏曰神靈之封謂山川之守天下

名山八而三在蠻夷五在中國中國華山首

山太室泰山東萊此五山黃帝之所常遊與

神會黃帝且戰且學僊患百姓非其道乃斷

軌非鬼神者百餘歲然後得與神通黃帝郊

雍上帝宿三月鬼史區跽大鴻死葬雍故鴻

冢是也蘇林曰今雍有鴻冢其後黃帝接萬靈明廷明

廷者甘泉也所謂寒門者谷口也徐廣曰寒一作寒漢

書音義曰黃帝仙於寒門也○索隱曰服虔云寒門黃帝所仙之處小類云谷中山之谷

口漢時為縣今呼為治谷去甘泉八十里盛夏凜然故曰寒門黃帝採首山

銅鑄鼎於荆山下晉灼曰地理志首山屬河東蒲阪荆山在馮翊懷德

鼎既成有龍垂胡頰下迎黃帝索隱曰頰帥古云胡

謂頰下垂肉也頰其毛也故童謠曰何當為君鼓龍胡是也黃帝上騎羣

臣後宮從上龍七十餘人龍乃上去餘小臣

不得上乃悉持龍頰龍頰枝墮正義曰黃帝徒果反

之弓百姓仰望黃帝既上天乃抱其弓與龍

胡頰彌正義曰戶故後世因名其處曰鼎湖

正義曰括地志云湖水原出繡州湖城縣南三十五里李父山北流入河即鼎湖也其

弓曰烏彌於是天子曰嗟乎吾誠得如黃帝

吾視去妻子如脫躡耳乃拜卿為郎東使候

神於太室上遂郊雍至隴西西登空桐正義曰空

桐山在原州平高縣西一百里幸甘泉令祠官寬舒等具泰

一祠壇壇放薄忌泰一壇壇三垓徐廣曰垓次也駟按

李奇曰：垓重也。三重壇也。○索隱：日郭氏云：垓一作陔，言增階三重。五帝壇環

居其下，各如其方。黃帝西南，除八通鬼道。服

日坤位在未。泰一所用如雍，一時物而加醴。

黍脯之屬，殺一犛牛以為俎豆。牢具而五帝

獨有俎豆。牛醴之屬。醴進，具俎豆酒醴而

進之。一曰：進謂雜物。其下四方地為饌食。索

隱：日饌音竹芮，反謂聯續而祭之。漢志：作饌古

字亦通。說文：日饌祭酌也。○正義：日劉伯莊

云：謂繞壇說諸神。羣神從者及北斗云已祠

豚餘皆燎之。其牛色白。鹿居其中，豕在鹿中。

水而洎之。徐廣曰：洎，居器反。肉汁也。駟按：番

日劉伯莊云：以大羹和祭食燎之。按：祭日以

牛祭月，以羊彘特。索隱曰：特，一牲也。言若泰

一祝宰，則衣紫及繡。五帝各如其色。日赤，月

白。十一月辛巳朔旦冬至，昧爽天子始郊拜

泰。一朝朝日，夕夕月。應劭曰：天子春朝日，秋

以朝夕。月以夕。漢儀：泰一時，皇帝

平旦出，竹宮東向，揖日。其夕西向，揖月。便用

郊日不用則揖而見泰一如雍禮其替饗曰

天始以寶鼎神英授皇帝朔而又朔終而復

始皇帝敬拜見焉而衣上黃其祠列火滿壇

旁壇旁烹炊具有司云祠上有光焉公卿言

皇帝始郊見泰一雲陽正義曰括地志云漢

縣北八十一里有通天臺即黃帝以來祭天有

司奉瑄玉孟康曰璧大六寸謂之瑄音宣嘉牲薦饗

正義曰漢書儀云祭天養牛五歲至二千斤是夜有爻光及晝黃

氣上屬天太史公祠官寬舒等曰神靈之休

祐福兆祥宜因此地光域徐廣曰地一作夜立泰時

壇以明應令大祝領祀及臘間祠三歲天子

一郊見其秋為伐南越告禱泰一以牲徐廣

作荆畫幡如淳曰荆之無子者皆以繁齊之

韋昭曰以牲道也晉灼曰牡荆節間不相當者日月北斗登龍以象天一三星

為泰一鋒徐廣曰天官書曰天樞星明者泰

晉灼曰畫一星在後三名曰靈旗正義曰李

雲

樹泰一壇上名靈旗為五禱正義曰為則太

史奉以指所伐國正義曰韋昭云牲剛也荆

剛為稱故畫而五利將軍使不敢入海之泰

山祠上使入微隨驗實無所見五利妄言見

其師其方盡多不讎上乃誅五利正義曰漢

東方朔言藥大無其冬公孫卿候神河南見

僊人跡緱氏城上有物若雉往來城上天子

親幸緱氏城視跡問卿得無效文成五利乎

卿曰僊者非有求人至人主求之其道非少

寬假神不來言神事事如迂誕正義曰迂音

遠也誕積以歲乃可致於是郡國各除道繕

治官觀名山神祠所以望幸矣其年既滅南

越上有嬖臣李延年以好音見上善之下公

卿議曰民間祠尚有鼓舞之樂今郊祠而無

樂豈稱乎公卿曰古者祀天地皆有樂而神

祇可得而禮或曰泰帝使素女索隱曰亦謂

日秦帝謂太鼓五十弦瑟悲帝禁不止故破
吳伏羲氏其瑟為二十五弦於是賽南越禱祠泰一后
土始用樂舞益名歌兒作二十五弦徐廣曰瑟也
又莖篔瑟自此起徐廣曰應劭云武帝令樂人侯調始造篔篔其
來年冬上議曰古者先振五澤旅徐廣曰古澤字作澤
然後封禪乃遂北巡朔方勒兵十餘萬還祭
黃帝冢橋山澤其湏如李奇曰地名也上曰吾聞黃
帝不死今有冢何也或對曰黃帝已僊上天

群臣葬其衣冠既至甘泉為且正義曰為子
禪用事泰山正義曰道書福地也周回二千里
先類祠泰一自得寶鼎上與公卿諸生議封
禪正義曰白虎通云王者易姓而起天下太平功成封禪以告太平禪梁父之趾廣厚也刻石紀號著已之功績天以高為尊地以厚為德故增泰山之高以放天禪梁父之趾以報地封者附廣之禪封禪用希曠絕莫知
其儀禮而羣儒采封禪尚書周官王制之望
祀射牛事蘇林曰當祭廟射其牲以除不祥
賈曰射牛示親殺也○索隱曰天

子射牛亦親殺也事見國語齊人丁公年九十餘曰封者

合不死之名也秦皇帝不得上封陛下必欲

上稍上即無風雨遂上封矣上於是乃令諸

儒習射牛草封禪儀索隱曰見應助漢官儀也數年至且

行天子既聞公孫卿及方士之言黃帝以上

封禪皆致怪物與神通欲放黃帝以嘗接神

僊人蓬萊士高世比德於九皇張晏曰三皇

九首韋昭曰上古有李而頗采儒術以文之羣儒

既以不能辨明封禪事又牽拘於詩書古文

而不敢騁上為封祠器示羣儒羣儒或曰不

與古同徐偃又曰太常諸生行禮不如魯燕

周霸屬圖封事服虔曰屬會也於是上絀偃

霸盡罷諸儒弗用三月遂東幸緱氏禮登中

嶽文穎曰崧高山也太室韋昭曰崧高山有

有石室故從官在山下聞若有言萬歲云正義

曰漢儀注云有稱問上上不言問下下不言

於是以三百戶封太室奉祠命曰崇高邑正義

日顏師古云以崇奉嵩高山故謂之崇高也東上泰山泰山山之草木

葉未生乃令人上石立之泰山顛上遂東巡

海上行禮祠八神文顯曰武帝登太山祭太

開除八通鬼道故言八神也一日八方之神

○索隱曰韋昭云八神謂天地陰陽日月星

辰主四時之屬今按林祀志一日天主祠天

齊二日地主祠泰山梁父三日其主祠蚩尤

四日陰主祠三山五日陽主祠之眾六日月

主祠之萊山七日日主祠廬山八日四時主

祠聊齊人之上疏言神怪奇方者以萬數然

無驗者乃益設船令言海中神山者數千人

求蓬萊神人公孫卿持節常先行候名山至

東萊言夜見一人長數丈就之則不見見其

跡甚大類禽獸云羣臣有言見一老父牽狗

言吾欲見巨公漢書音義曰巨公謂武帝已忽不見上既

見大跡未信及羣臣有言老父則大以為僊
人也宿留海上與方士傳車及間使求僊人
以千數四月還至奉高上念諸儒及方士言

封禪人人殊不經難施行天子至梁父禮祠
地主乙卯令侍中儒者皮弁縉紳射牛行事
封泰山下東方如郊祠泰一之禮封廣丈二
尺高九尺其下則有玉牒書書秘禮畢天子
獨與侍中奉車子侯漢書百官表曰奉車都尉掌乘輿車武帝初置
韋昭曰子侯霍去病之子也上泰山亦有封其事皆禁明
日下陰道丙辰禪泰山下趾東北肅然山如
祭后土禮天子皆親拜見衣上黃而盡用樂

焉江淮間一茅三脊蓋康曰所謂靈茅也為神藉五色

土益雜封縱遠方奇獸蜚禽及白雉諸物頗

以加祠咒旄牛犀象之屬費用皆至泰山然

後去封禪祠其夜若有先晝有白雲起封中

天子從封禪還坐明堂漢書音義曰天子初封泰山山東北趾古

時有明堂處則此所生羣臣更上壽於是制

詔御史朕以眇眇之身承至尊兢兢焉懼勞

任維德菲薄不明于禮樂脩祀泰一若有象

景光屑如石望贊曰聞呼萬歲者三依依震於怪物欲

止不敢遂登封泰山至於梁父而后禪肅然

服虔曰肅然山名在梁父自新嘉與士大夫更始賜民百

戶牛一酒十石加年八十孤寡布帛二匹復

博奉高蛇丘鄭玄曰蛇音移歷城毋出今年租稅其

赦天下如乙卯赦令行所過毋有復作事在

二年前皆勿聽治又下詔曰古者天子五載

一巡狩用事泰山諸侯有朝宿地其令諸侯

各治邸泰山下正義曰諸侯各於泰山朝宿地起第佳擬天子用事泰山

而居天子既已封禪泰山既無風雨雷而方

士更言蓬萊諸神山若將可得於是上欣然

庶幾遇之乃復東至海上望異遇蓬萊焉奉

車子侯暴病一日死上乃遂去並海上北至

碣石巡自遼西歷北邊至九原五月返至甘

泉漢書音義曰周有司言寶鼎出為元鼎以

今年為元封元年其秋有星孛于東井車昭曰秦

分野也後衛太子後十餘日有星芾于三能

公後連坐誅之望氣王朔言侯獨見其星出

如甄索隱曰郊祀志填星出如甄故顏師古

則德星歲星也歲星食頃復入焉有司言曰

陛下建漢家封禪天其報德星云其來年冬

郊雍五帝還拜祝祠泰一贊饗曰德星昭衍

厥維休祥壽星仍出索隱曰壽星南極老人

言之淵耀光明信星昭見索隱曰信星鎮星

星漢志皇帝敬拜泰徐廣曰一况之饗其春

公孫卿言見神人東萊山若云見天子天子

於是幸緇氏城拜卿為中大夫遂至東萊宿

留之索隱曰音秀溜宿留運待之意若依字

數日毋所見見大人跡復遣方士求神怪采

芝藥以千數是歲旱於是天子既出毋名乃

禱萬里沙應劭曰萬里沙神祠也在東萊過

祠泰山鄧展曰泰山自東復有小還至甄子

服虔曰：甄子隄，名蘇林，曰在甄城以南，濮陽以北，廣百步，深五丈，所攢曰所決，河名。○索

隱註：自臨塞決河，臨塞決河，將軍已下，皆其

薪填，留二日，沈祠而去。河決於是作甄子歌

見河渠書，使二卿將卒塞決河，河徙二渠，復禹之

故跡焉。是時既滅南越，越人勇之地，人名也。

乃言越人俗信鬼，而其祠皆見鬼，數有效。昔

東甌王敬鬼，壽至百六十歲，後世謾怠，故衰

耗，乃令越巫立越祝祠，安臺無壇，亦祠天神

上帝百鬼，而以雞卜。漢書音義曰：持雞用卜，如鼠卜。○正義曰：雞卜，

法用雞一、狗一、生祝，願訖即殺雞，狗莫熟又祭，獨取雞兩眼，骨上自有孔，裂似人物形，則

吉，不則凶。今嶺南獨行此法也。上信之，越祠雞卜始用焉。

公孫卿曰：僊人可見而上往常遽，以故不見。

今陛下可為觀，如緱氏城。韋昭曰：如置脯棗

神人宜可致，且僊人好樓居，於是上令長安

則作蜚廉、桂觀。應劭曰：飛廉，神禽，能致風氣，晉灼曰：身如鹿頭，如雀，有角

而蛇尾，文如豹文也。甘泉則作益延壽觀，使卿持節設

而蛇尾，文如豹文也。甘泉則作益延壽觀，使卿持節設

具而候神人乃作通天臺徐廣曰在甘泉○

天臺於甘泉宮漢書舊儀臺高五十丈去長安二百里望見長安城置祠具其

下將招來神僊之屬於是甘泉更置前殿始

廣諸官室索隱曰姚氏按揚雄云甘泉本因

光迎風宮外近則有洪厓旁皇諸胥弩陔遠

則石闕封岳鳩龍露寒棠黎師得遊觀屈奇

瑰偉又有高華温德波相曾成宮白虎夏有

芝生殿防内中徐廣曰元封二年也○索隱

天子為塞河興通天臺若有光云李奇曰為

此作事而

有光應瓊曰乃下詔曰甘泉防生芝九莖應

作通天臺也

曰芝芝草也其莖相連如厚曰瑞應圖救天

云王者故事者老不失舊故則芝草生其美

下毋有復作其明年伐朝鮮夏旱公孫卿曰

黃帝時封則天旱乾封正義曰乾音干蘇林

燥也類師古云三歲不雨暴所封之三年上

乃下詔曰天旱意乾封乎蘇林曰天旱欲使

封土乾燥如淳曰

但祭不立其今天下尊祠靈星焉正義曰靈

尸為軋封

也張晏云龍星左角曰天

田則農祥也見而祭之

其明年上郊雍通

回中道巡之徐廣曰在扶風郿縣春至鳴澤服虔曰鳴澤澤名也

在涿郡道從西河歸其明年冬上巡南郡徐廣

曰元封五年至江陵而東登禮潛之天柱山號曰

南嶽應劭曰潛縣屬廬江南嶽霍山也浮江

自尋陽出樅陽地理志廬江有樅陽縣過彭蠡祀其名

山川北至瑯邪並海上四月中至奉高脩封

焉初天子封泰山東北陟古時有明堂

處處險不敵上欲治明堂奉高旁未曉其制

度濟南人公玉帶上黃帝時明堂圖索隱曰

肅公玉姓帶名姚氏按風俗通齊濟王臣有

公玉卅其後也音語錄反三輔決錄云杜陵

有玉比音肅說文以為從玉音畜牧之畜今

讀公玉與決錄音同然二姓單復有異單姓

者音肅後漢司徒明堂圖中有一殿四面無

壁以茅蓋通水園官垣為復道上有樓從西

南入命曰昆侖索隱曰玉帶明堂圖中為復

崐崙言其似崐崙山之也天子從之入以拜祠

上帝焉於是上令奉高作明堂汶上徐廣曰

在元封

二年如帶圖及五年脩封則祠泰一五帝於明堂上坐今高皇帝祠坐對之祠后土於下房以二十太宰天子從崑崙道入始拜明堂如郊禮禮畢燎堂下而上又上泰山有秘祠其顛而泰山下祠五帝各如其方黃帝并赤帝而有司侍祠焉泰山上舉火下悉應之其後二歲十一月甲子朔旦冬至推歷者以本統天子親至泰山以十一月甲子朔旦冬至

日祠上帝明堂

徐廣曰常五年一脩今通二年故但祀明堂

每脩

封禪其贊饗曰天增授皇帝泰元神筴

索隱曰按

贊饗之辭言天授皇帝泰元神筴周而復始又按黃帝得寶鼎神筴則泰元者古昔上皇創曆之號故此云大周而復始皇帝敬拜泰元神筴周而復始也

一東至海上考八海及方士求神者莫驗然

益遣冀遇之十一月乙酉

徐廣曰二

栢梁裁

十二月甲午朔上親禪高里

伏儼曰山名祠在泰山下

后土臨渤海將以望祠蓬萊之屬冀至殊庭

焉漢書音義曰蓬萊庭○索隱曰冀漢書作幾字幾近也冀望也並通服虔曰蓬萊中

仙人殊庭者異也言入仙人異域上還以栢梁裁故朝受計

甘泉正義曰顧胤云栢梁被燒故受計獻之物於甘泉也顏師古云受郡國計簿也

公孫卿曰昔帝就青靈臺十二日燒徐廣曰日一作

月黃帝乃治明庭明庭甘泉也方士多言古

帝王有都甘泉者其後天子又朝諸侯甘泉

甘泉作諸侯邳勇之乃曰越俗有火裁復起

屋必以大用勝服之於是作建章宮正義曰括地志

曰建章宮在雍州長安縣西二十里長安故城西度為千門萬戶前

殿度高未央其東則鳳闕高二十餘丈索隱曰三

輔黃圖云武帝營建章起鳳闕高二十五丈關中記一名別風闕以言別四方之風西京

賦曰閭闔之內別風嶢嶢是也五輔故事云北有園闕高二十丈上有銅鳳凰故云鳳闕也

其西則唐中數十里虎圈索隱曰如淳云詩云中唐有覽

鄭玄云唐堂庭也爾雅以廟中路謂之唐西京賦曰前開唐中彌望曠是也○正義曰圈

其遠反括地志云虎圈天在長安城中西偏也其北治大池漸臺正義

曰顯師古云漸浸也亭在池中為水所侵故曰臺按王莽死此臺也高二十餘

文名曰泰液正義曰臣瓚云泰液言池中

蓬萊方丈瀛洲壺梁象海中神山龜魚之屬

索隱曰五輔故事云殿北海池北岸有石龜二枚各長六尺

其南有玉堂壁門大鳥之屬索隱曰漢武故

典前殿等去乃立神明臺索隱曰漢宮闕疏

地十二丈井幹樓度五十餘丈輦道相

有九室常置九天道士百人井幹樓度五十餘丈輦道相

屬焉索隱曰關中記宮北有井幹臺高五十丈積木為樓言築累萬木轉相交架如

井幹司馬處註莊子云井幹井欄也又崔謨云井以四邊為幹猶築墻之有榱幹又諸本

多作幹一本作榱夏漢改曆以正月為歲首

而色上黃官名徐廣曰一更印章以五字

日漢據土德土數五故用五為印文也若丞相日丞相之印章諸卿及守相印文不足五

字者以因為太初元年是歲西伐大宛蝗大

起丁夫人韋昭曰丁姓雒陽虞初等以方祠

詛匈奴大宛焉其明年有司言雍五時無宰

熟具芬芳不備乃命祠官進時犢牢具五色

食所勝孟康曰若次勝金而以木耦馬代駒

則祠赤帝以白牲

漢書武帝紀卷之五十四
歷日二月加歲首云
井古曰漢

馬索隱曰一音偶孟康云寓寄龍形於木又姚氏云寓假也以言假木龍馬一駟非寄

寓龍馬形於木也獨五帝用駒行親郊用駒及諸名

山川用駒者悉以木耦馬代行過乃用駒他

禮如故其明年東巡海上考神僊之屬未有

驗者方士有言黃帝時為五城十二樓應劭曰崑崙

崑崙縣圃五城十二樓以候神人於執期漢書

地執期也命曰迎年正義曰頌師古云上許作

之如方明年上親禮祠上帝衣上黃焉公王

帶曰黃帝時雖封泰山然風后封鉅應劭曰

師岐伯正義曰張揖云令黃帝封東泰山禪

凡山合符然後不死焉徐廣曰在琅邪朱虛

在朱虛天子既令設祠具至東泰山東泰山卑

小不稱其聲乃令祠官禮之而不封禪焉其

後今帶奉祠候神物夏遂還泰山脩五年之

禮如前而加禪祠石閭石閭者在泰山下陟

南方方士多言此僊人之閭也故上親禪焉

其後五年復至泰山脩封徐廣曰天漢三年李陵以天漢二年

也敗還過祭常山今天子所興祠泰一后土三

年親郊祠建漢家封禪五年一脩封薄忌泰

一及三一冥羊馬行赤星五寬舒之祠官李

曰祀名也○索隱曰赤星即上靈星祠靈星龍左角赤故曰赤星五者太一也三一也具

羊也馬行也未星也凡以歲時致禮凡六祠

五並令祠官寬舒領之皆太祝領之至如八

神諸神明年凡山他名祠行過則祀去則已

方士所興祠各自主其人終則已祠官弗主

他祠皆如其故今上封禪其後十二歲而還

徧於五嶽四瀆矣而方士之候祠神人入海

求蓬萊終無有驗而公孫卿之候神者猶以

大人跡為解無其效天子益怠厭方士之怪

迂語矣然終羈縻弗絕異遇其真自此之後

方士言祠神者彌衆然其效可睹矣徐廣曰猶今人

云其事也可知矣皆不信之耳又數本皆無可字

太史公曰余從巡祭天地諸神名山川而封禪焉入壽官侍祠神語究觀方士祠官之言於是退而論次自古以來用事於鬼神者具見其表裏後有君子得以覽焉至若俎豆瑋幣之詳獻酬之禮則有司存焉

索隱述贊曰夫而方士之類

孝武纂極

四海承平

志尚奢麗

尤敬神明

壇開八道

接通五城

孝武本紀第十二

史記十二

朝親五利

夕拜文成

祭非祀典

巡乖卜征

登嵩勒岱

望景傳聲

迎年祀日

改曆定正

疲耗中土

事彼邊兵

日不暇給

人無聊生

俯觀羸政

幾欲齊衡

